

十八家詩鈔

十八家詩鈔卷二十四目錄

陸放翁七律上三百六十二首

二月二十四日作

新夏感事

留題雲門草堂

寄陳魯山二首

度浮橋至南臺

出縣

還縣

雨晴遊洞宮山天慶觀坐閒復雨

送杜起莘殿院出守遂甯

聞武均州報已復西京

送七兄赴楊州帥幕

送梁諫議

出都

晨起偶題

病中簡仲彌性唐克明蘇訓直

秋夜讀書每以一鼓盡爲節

望江道中

去年余佐京口遇王嘉叟從張魏公督師過焉魏公道免

相嘉叟亦出守莆陽近辱書報魏公已葬衡山感歎不  
已因用所遺桂頰亭詩韻奉寄

自詠示客

燒香

寒食臨川道中

寄別李德遠二首

示兒子

寄龔實之正言

遊山西村

殘春

家園小酌二首

上虞逆旅見舊題歲月感懷

舜廟懷古

霜風

獨學

春日

僧房假榻

送芮國器司業二首

晚泊

弔李翰林墓

黃州

武昌感事

哀郢二首

塢子磯

水亭有懷

蝦蟆碚

新安驛

秣歸醉中懷都下諸公示坐客

憩歸州光孝寺寺後有楚冢近歲或發之得寶玉劒佩之

類

巴東令解白雲亭

登江樓

雪晴

玉笈齋書事二首

山寺

寒食

鄉中每以寒食立夏之間省墳客變適逢此時淒然感懷

二首

自詠

初夏懷故山

晚晴聞角有感

夜登白帝城樓懷少陵先生

假日書事

追懷曾文清公呈趙教授趙近嘗示詩

初冬野興

醉中到白崖而歸

過廣安弔張才叔諫議

柳林酒家小樓

送劉戒之東歸

寄鄧公壽



簡章德茂

閩中作二首

驛亭小憩遣興

自笑

三泉驛舍

嘉川鋪得檄遂行中夜次小柏

歸次漢中境上

書事

長木晚興

赴成都泛舟自三泉至益昌謀以明年下三峽

宿武連縣驛

綿州魏成縣驛有羅江東詩云芳草有情皆礙馬好雲無處不遮樓戲用其韻

卽事

登荔枝樓

獨遊城西諸僧舍

晚登望雲二首

醉中感懷

送客至江上

深居

八月二十二日嘉州大閱

曉出城東

遊修覺寺

湖上符盛出戲作長句

宿杜氏晨起遇雨

東湖新竹

讀胡基仲舊詩有感

寓驛舍

宴西樓

離成都後卻寄公壽子友德稱

秋思三首

觀長安城圖

夜讀了翁遺文有感

蜀州大閱

秋夜懷吳中

莫歸馬上作

自上清延慶歸過丈人觀少留

宿江原縣東十里張氏亭子未明而起

戍卒說沈黎事有感

西樓夕望

晚登橫溪閣

夏日過摩訶池

喜雨

寓舍書懷

成都大閱

書懷

成都書事

白警

馬上偶成

春晚書懷

春殘

武擔東臺晚望

獵罷夜飲示獨孤生三首

秋晚登城北門

夜飲

病酒述懷

江樓醉中作

曳策

醉中出西門偶書

歎息

客愁

倚樓

南定樓遇急雨

風順舟行甚疾戲書

峽州東山

初發夷陵

泊公安縣

南樓

黃鶴樓

舟中偶書

舟行靳黃間雨霽得便風有感

初見廬山

六月十四日宿東林寺

過采石有感

登賞心亭

將至京口

歸雲門

湖村秋曉

夢至成都悵然有作二首

衢州道中作



宿魚梁驛五鼓起行有感二首

夜坐偶書

自詠

客意

憶山南二首

追感梁益舊遊有作

奏乞奉祠留衢州皇華館待命

寓館晚興

三月二十一日作

與黎道士小飲偶言及曾文清公慨然有感

夜意

初秋

別楊秀才

行至嚴州壽昌縣界得請許免入奏仍除外官感恩述懷

新築山亭戲作

自詠

感秋

冬煖頗有春意追憶成都昔遊悵然有作

冬夜不寐至四鼓起作此詩

夜飲示坐中

獨孤生策字景略河中人工文善射喜擊劍一世奇士也  
有自峽中來者言其死於忠涪間感涕賦詩

夜泊水村

夜步庭下有感

題酒家壁

幽居感懷

自若耶溪舟行杭鏡湖而歸

遊山歸偶賦

苦寒

冬夜月下作

感憤

塞上

行武擔西南村落有感

飯昭覺寺抵莫乃歸

卜居二首

書歎

次韻范文淵

過野人家有感

閒中偶題二首

病起書懷二首

客自鳳州來言岐雍閒事悵然有感

月下醉題

蒙恩奉祠桐柏

和范待制秋興三首

歲莫感懷

萬里橋江上習射

和范舍人病後二詩末章兼呈張正字

登劔南西川門感懷

宿上清宮

野步至青羊宮偶懷前年當劇飲於此

感秋

絕勝亭

囚山

夏日小宴

聞虜政衰亂掃蕩有期喜成口號二首

山寺

野飲

獨酌有懷南鄭

夜步

偶讀山谷老境五十六翁之句作六十二翁吟

書憤

臨安春雨初霽

小舟過御園二首

還家二首

夜行玉笥樵風之間宿龍瑞

題齋壁四首

官居戲詠二首

登北榭

秋夜聞雨

自詠

醉中戲作

安流亭侯客不至獨坐成詠

秋雨北榭作

病起小飲

燈下閱吏牘有感

縱筆三首

雪夜有感

讀書

夜登千峯榭

登千峯榭



秋夜登千峯榭待曉

嚴州大閱

曉遊東園

寓歎二首

寒夜移疾二首

述懷二首

到嚴十五晦朔郡醺不佳求於都下旣不時至欲借書讀之而寓公多祕不肯出無以度日殊惘惘也

北窗閑詠

感憤秋夜作

反感憤

舟中大醉偶賦長句

新晴泛舟至近村偶得雙鰕而歸

歲晚感懷

四鼓出嘉會門赴南郊齋宮

馬上作

送霍監丞出守盱眙

和周元吉右司過敝居追懷南鄭相從之作

醉中浩歌罷戲書

故山四首

宿野人家

有感

舟過梅塢胡氏居愛其幽遂爲賦一詩

自東涇度小嶺聞有地可卜菴喜而有賦

王給事餉玉友

晚興

遣懷

新秋感事二首

秋思六首

遣懷

冬夜讀書

冬夜讀書忽聞雞鳴

閉戶

落魄

入城至郡圃及諸家園亭遊人甚盛

蓬萊館午憩

夢遊散關渭水之間

病臥

晚眺

感舊

睡覺聞兒子讀書

步至近村

默坐

遣興

題老學菴壁

親舊書來多問近況以詩會之

二子

感舊

余年四十六入峽忽復二十三年感懷賦長句

書歎

醉題

書憤

秋興

夢至洛中觀牡丹繁麗溢目覺而有賦

自嘲

老懷

初塞病中有感

寄天封明老

溪上作二首

詠史

春夜讀書

春晚村居

書歎

●題陽關圖

閑中

晨起

自詠

書室明煖終日婆娑其閒倦則扶杖至小園戲作長句二

首

冬夜獨酌

郊行夜歸書觸目

十一月五日夜半偶作

閒中書事二首

感昔二首

登東山

記九月三十日夜半夢

蜀僧宗傑來乞詩三日不去作長句送之

老學菴

枕上偶成

雨夜有懷張季長少卿



憶昔

春思

六月二十四日夜分夢范致能李知幾尤延之同集江亭  
諸公請予賦詩記江湖之樂詩成而覺忘數字而已

七月二十四日作

秋夜示兒輩

自嘲

夜坐

初拜再領祠宮之命有感

書憤二首

病中夜賦

書感

雪夜感舊

憶昔

十八家詩鈔卷二十四目錄

善化黃維申襄校

十八家詩鈔卷二十四

湘鄉曾國藩纂 合肥李鴻章審訂 東湖王定安校

陸放翁七律上三百六十二首

二月二十四日作

棠梨花開社酒濃。南村北村鼓鑿鑿。且祈麥熟得飽飫。敢說穀  
賤復傷農。岕州萬里竄酷吏。湖南幾時起臥龍。但願諸賢集廊  
廟。書生窮死勝侯封。

新夏感事

百花過盡綠陰成。漠漠爐香睡晚晴。病起兼旬疏把酒。山深四  
月始聞鶯。近傳下詔通言路。已卜餘年見太平。聖主不忘初政

美小儒惟有涕縱橫

畱題雲門草堂

小住初爲旬月期二年畱滯未應非尋碑野寺雲生屢送客溪  
橋雪滿衣親滌硯池餘墨漬臥看爐面散煙霏他年遊宦應無  
此早買漁蓑未老歸

寄陳魯山

公自注陳時  
調官都下

諸公貴人識面稀胸中璀璨漫珠璣卽今舉手遮西日應有流  
塵化素衣舊學極知難少貶吾儕持此欲安歸夜來風雨空堂  
靜忽憶燈前語入微

天下無虞國論深書生端合老山林平生力學所得處正要如

今不動心舊友幾年猶短褐謫官萬里少來音願公思此寬羈  
旅靜勝炎曦豈易侵

度浮橋至南臺

客中多病廢登臨聞說南臺試一尋九軌徐行怒濤上千艘橫  
繫大江心寺樓鐘鼓催昏曉墟落雲煙自古今白髮未除豪氣  
在醉吹橫笛坐榕陰

出縣

恩恩簿領不堪論出宿聊寬久客魂稻壠牛行泥活活埜塘橋  
壞雨昏昏槿籬護藥纔通徑竹筓分泉自遍村歸計未成畱亦  
好愁腸不用遶吳門

還縣

霽色清和日已長。綸巾蕭散意差強。飛飛鷗鷺陂塘綠，鬱鬱桑麻風露香。南陌東村初過社，輕裝小隊似還鄉。哦詩忘却登車去，枉是人言作吏忙。

雨晴遊洞宮山天慶觀坐閒復雨

近水松篁鎖翠微。洞天宮殿對清晖。快晴似爲除醺計，急雨還妨燕子飛。道士晝閑丹竈冷，山童曉出藥苗肥。拂牀不用勤畱客，我困文書自怕歸。

送杜起莘殿院出守遂甯

羽檄聯翩晝夜馳。臣憂顧不在邊陲。軍容地密甯當議，陛下恩

深不忍欺。白簡萬言。幾慟哭青編。一傳可前知。平生所學。今無負。未歎還鄉。兩鬢絲。

聞武均州報已復西京

白髮將軍亦壯哉。西京昨夜捷書來。胡兒敢作千年計。天意甯知一日回。列聖仁恩深雨露。中興赦令疾風雷。懸知寒食朝陵使。驛路梨花處處開。

送七兄赴楊州帥幕

初報邊烽照石頭。旋聞胡馬集瓜州。諸公誰聽弔羹策。吾輩空懷畎畝憂。急雪打窗心共碎。危樓望遠涕俱流。豈知今日淮南路。亂絮飛花送客舟。



送梁諫議

湖海還朝白髮生，嬾隨年少事聲名。極知憂國人誰及，細看無  
心語自平。歸訪鄉人忘位重，乍辭言責覺身輕。籃輿避暑雲門  
寺，應過幽居聽水聲。自注：游有庵居在雲門流泉邊，屋諫議舊所愛賞。

出都

重入修門甫歲餘，又攜琴劍返江湖。乾坤浩浩何由報，犬馬區  
區正自愚。緣熟且爲蓮社客，伴來喜對草堂圖。西廂屋了吾  
足高枕看雲，一事無。

晨起偶題

城遠不聞長短更，上方鐘鼓自分明。幽居不負秋來睡，未路偏

諳世上情。大事豈堪重。破壞窮人難。與共功名風。爐歛鉢生涯。在且試新寒。芋糲羹。

病中簡仲彌性唐克明蘇訓直

移疾還家暫。曲肱依然耐久。北窗燈心如。澤國春歸。鴈身是雲。堂早過。僧細雨。佩壺尋廢寺。夕陽下。馬弔荒陵。小畱莫厭時。追逐勝社。年來冷欲冰。

自注三君皆有歸志故云

秋夜讀書每以二鼓盡爲節

腐儒碌碌歎無奇。獨喜遺編不我欺。白髮無情侵老境。青燈有味似兒時。高梧策策傳寒意。疊鼓鑿鑿迫睡期。秋夜漸長飢作祟。一杯山藥進瓊糜。

望江道中

此由判建康府改判隆興府道出望江隆興今江西南昌府也

吾道非耶來曠野江濤如此去何之起隨烏鵲初翻後宿及牛羊欲下時風力漸添帆力健鵬聲常雜鴈聲悲晚來又入淮南路紅樹青山合有詩

去年余佐京口

判建康府故曰佐京口

遇王嘉叟從張魏公督師過

焉魏公道免相嘉叟亦出守莆陽近辱書報魏公已葬

衡山感歎不已因用所遺柱頰亭詩韻奉寄

河亭挈手共徘徊萬事甯非有數哉黃閣相君三黜去青雲學士一麾來中原故老知誰在南嶽新邱共此哀火冷夜窗聽急雪相思時取近書開

自詠示客

衰髮蕭蕭老郡丞。洪州又看上元燈。  
羞將枉直分尋尺。甯走東西就斗升。  
吏進飽諳箱紙尾。客來苦勸摸牀稜。  
歸裝漸理君知否。笑指廬山古澗藤。

自注廬山僧近寄藤杖甚奇

燒香

姑。芝。卻。粒。世。無。方。隨。食。江。湖。每。自。傷。千。里。一。身。覺。泛。泛。十。年。萬。  
事。海。茫。茫。春。來。鄉。夢。憑。誰。說。歸。去。君。恩。未。敢。忘。一。寸。丹。心。幸。無。  
愧。庭。空。月。白。夜。燒。香。

寒食臨川道中

此官南昌時詩

百卉千花了。不存墮溪飛絮。看無痕。家人自作清明節。老子來。

穿綠暗。村日落啼鴉。隨野祭雨餘。荒蔓上頽垣。道邊醉飽休。相避作吏堪羞甚。乞墦

寄別李德遠

蕭蕭風雨臨川驛。邂逅連牀若有期。自起挑燈貪夜話。急呼索

飯療朝飢。

自注皆記前日相從時事

即今明月共千里。已占深林巢一枝。惜

別自嫌兒女態。夢騎羸馬度芳陂。

自注德遠所居名秣陂

李侯不恨世賣友。陸子那須錢買山。出牧君當千里去。歸耕我判一生閑。中原亂後。儒風替黨禁。興來士氣孱。復古主盟須老手。勉追慶歷數公間。

示兒子

以下自南昌免歸還家之詩

父子扶攜反故鄉欣然擊壤詠陶唐墓前自誓甯非隘澤畔行  
吟未免狂雨潤北窗看洗竹霜清南畝課剝桑秋毫何者非君  
賜回首修門敢遽忘

寄龔實之正言

臺省諸公歲歲新平生敬慕獨斯人山林不恨音塵遠夢寐時  
容笑語親學道皮膚雖脫落憂時肝膽尙輪囷至和嘉祐須公  
了乞向升平作幸民

遊山西村

莫笑農家臘酒渾豐年畱客足雞豚山重水複疑無路柳暗花  
明又一村簫鼓追隨春社近衣冠簡樸古風存從今若許閑乘

月挂杖無時夜叩門

殘春

殘春醉著釣魚菴花雨娛人落半巖豈是天公無皂白獨悲世俗異酸鹹妄身似夢行當覺談口如狂未易緘已作沈舟君勿歎年來何止閱千帆

家園小酌

旋作園廬指顧成柳陰已復著啼鶯百年更把幾杯酒一月元無三日晴鷗鷺向人殊耐久山林與世本無營小詩漫付兒曹誦不用韓公說有聲

滿林春筍生無數竟日鷓鴣來百回衣上塵埃須一洗酒邊懷

抱得頻開池魚往者憂奇禍社櫟終然幸散材世事紛紛心本  
嬾閉門豈獨畏嫌猜

上虞逆旅見舊題歲月感懷

舴艋爲家東復西今朝破曉下前溪青山缺處日初上孤店開  
時驚亂啼倦枕不成千里夢壞牆閑覓十年題漆園傲吏猶非  
達物我區區豈足齊

舜廟懷古

雲斷蒼梧竟不歸江邊古廟鎖朱扉山川不爲興亡改風月應  
憐感慨非孤枕有時鶯喚夢斜風無賴客添衣千年回首消磨  
盡輸與漁舟送落暉



霜風

十月霜風吼屋邊。布裘未辦一銖綿。豈惟飢索隣僧米。真是寒無坐客氈。身老嘯歌悲永夜。家貧撐拄過凶年。丈夫經此甯非福。破涕燈前一粲然。

獨學

師友彫零身白首。杜門獨學就誰評。秋風棄扇知安命。小炷醺燈悟養生。踵息無聲酣午枕。舌根忘味養晨烹。少年妄起功名念。豈信身閑心太平。

春日

二首  
錄一

老夫一臥三山下。兩見城門送土牛。貧舍春盤還草草。莫年心

事轉悠悠湖光漲綠分煙浦柳色搖金映市樓藥餌及時身尙健無風無雨且閑遊

僧房假榻

過盡青山喚渡船晚窗洗腳臥僧氊剩償平日清遊願更結來生熟睡緣吞啄漸稀如老鶴鳴聲已斷似寒蟬旁觀莫苦嘲癡鈍此妙吾宗祕不傳

送芮國器司業

此心知我豈非天雙鬢皤然氣浩然曾見灰寒百僚底真能山立萬夫前洛城霜重聽宮漏霽水雲深著釣船拈起吾宗安樂法人生何處不隨緣

往歲淮邊虜未歸。諸生合疏論危機。人材衰靡方當慮。士氣崢嶸未可非。萬事不如公論久。諸賢莫與眾心違。還朝此段宜先及。豈獨遺經賴發揮。

晚泊

以下皆自大江流而上入蜀之詩

半世無歸似轉蓬。今年作夢到巴東。身遊萬死一生地。路入千峰百嶂中。隣舫有時來乞火。叢祠無處不祈風。晚潮又泊淮南岸。落日啼鴉戍堞空。

弔李翰林墓

飲似長鯨快吸川。思如渴驥勇奔泉。客從縣令初何有。醉忤將軍亦偶然。駿馬名姬如昨日。斷碑喬木不知年。浮生今古同歸。

此回首桓公亦故阡

自注桓溫冢亦在當塗

黃州

局促常悲類楚囚。遷流還歎學齊優。  
江聲不盡英雄恨。天意無私草木秋。  
萬里羈愁添白髮。一帆寒日過黃州。  
君看赤壁終陳跡。生子何須似仲謀。

武昌感事

百萬呼盧事已空。新寒擁褐一衰翁。  
但悲鬢色成枯草。不恨生涯似斷蓬。  
煙雨淒迷雲夢澤。山川蕭瑟武昌宮。  
西遊處處堪流涕。撫枕悲歌興未窮。

哀郢

入

卷二

七律

陸游上

七

遠接商周祚最長。北盟齊晉勢爭強。章華歌舞終蕭瑟。雲夢風煙舊莽蒼。草合故宮惟鴈起。盜穿荒冢有狐藏。離騷未盡靈均恨。志士千秋淚滿裳。  
荆州十月早梅春。徂歲真同下阪輪。天地何心窮壯士。江湖從古著羈臣。淋漓痛飲長亭暮。慷慨悲歌白髮新。欲弔章華無處問。廢城霜露溼荆榛。

塢子磯

塢子磯前艇子橫。一窗秋月爲誰明。青山不減年年恨。白髮無端。日日生七澤。蒼茫非故國。九歌哀怨有遺聲。古來撥亂非無策。夜半潮平意未平。

水亭有懷

漁村把酒對丹楓。水驛憑軒送去鴻。道路半年行不到。江山萬里看無窮。故人草詔九天。上老子題詩三硤中。笑謂毛錐可無恨。書生處處與卿同。

蝦蟇碕

不肯爬沙桂樹邊。朵頤千古向巖前。巴東峽裏最初峽。天下泉中第四泉。齧雪飲冰疑換骨。掬珠弄玉可忘年。清游自笑何曾足。疊鼓鑿鑿又解船。

新安驛

孤驛荒山與虎隣。更堪風雪暗南津。羈遊如此真無策。獨立棲

十八家詩鈔卷三十四  
然默愴神木益汲江人起早銀釵簇髻女妝新蠻風徹惡蛟龍  
橫未敢全誇見在身

秭歸醉中懷都下諸公示坐客

長謠爲子說天涯四座聽歌且勿譁蠻俗殺人供鬼祭敗舟觸  
石委江沙此身長是滄浪客何日能爲飽煖家坐憶故人空有  
夢尺書不敢到京華

憩歸州光孝寺寺後有楚冢近歲或發之得寶玉劒佩之  
類

秭歸城畔蹋斜陽古寺無僧晝閉房殘珮斷釵陵谷變苦茅架  
竹井闔荒虎行欲與人爭路猿嘯能令客斷腸寂寞倚樓搔短

髮剝題新恨付巴娘

巴東令廨白雲亭

寇公壯歲落巴蠻得意孤亭縹緲閒常倚曲欄貪看水不安四壁怕遮山遺民雖盡猶能說老令初來亦愛閑正使官清貧至骨未妨畱客聽潺潺

登江樓

已過瞿唐更少畱小船聊繫古夔州簿書未破三年夢杖履先尋百尺樓日暮雪雲迷峽口歲窮畬火照關頭野人不解微官縛尊酒應來此散愁

雪晴



臘盡春生白帝城。俸錢雖薄勝躬耕。眼前但恨親朋少，身外元  
知得喪輕。日映滿窗松竹影，雪消竝舍烏烏聲。老來莫道風情  
減，憶向煙蕪信馬行。

玉笈齋書事

莫笑新霜點鬢鬢，老來卻得少工夫。晨占上古連山易，夜對西  
真五嶽圖。叔夜曾聞高士嘯，孔賓豈待異人呼。眉閒喜色誰知  
得，今日新添火四銖。

雪霽茅堂鐘磬清，晨齋枸杞一杯羹。隱書不厭千回讀，大藥何  
時九轉成。孤坐月魂寒徹骨，安眠龜息浩無聲。剩分松屑爲山  
信，明日青城有使行人。自注：時傳道人欲歸青城。

山寺

籃輿送客過江村。小寺無人半掩門。  
古佛負牆塵漠漠。孤燈照殿雨昏昏。  
喜投禪榻聊尋夢。嬾爲啼猿更斷魂。  
要識人間盛衰理。岸沙君看去年痕。

寒食

峽雲烘日欲成霞。灤水生紋淺見沙。  
又向蠻方作寒食。強持卮酒對梨花。  
身如巢燕年年客。心羨游僧處處家。  
賴有春風能領略。一生相伴遍天涯。

鄉中每以寒食立夏之間省墳。客夔適逢此時。淒然感懷。  
松陰繫馬啟朱扉。粗妝青紅正此時。  
守墓萬家猶有日。及親三

釜永無期詩成謾寫天涯感淚盡何由地下知富貴賤貧俱有恨此生長廢蓼莪詩

手持綠酒酌蒼苔今歲何由匹馬來清淚不隨春雨斷孤吟欲和暮猿哀皂貂破敝歸心切白髮淒涼老境催誓墓只思長不出松門日日手親開

自詠

朝衣無色如霜葉將奈雲安別鵲何鐘鼎山林俱不遂聲名官職兩無多低昂未免聞雞舞慷慨猶能擊筑歌頭白伴人書紙尾只思歸去弄煙波

初夏懷故山

鏡湖四月正清和。白嶠紅橋小艇過。梅雨晴時插秧鼓。蘋風生處采菱歌。沈迷簿領吟哦少。淹汨蠻荒感慨多。誰謂吾廬六千里。眼中歷歷見漁蓑。

晚晴聞角有感

暑雨初收白帝城。小荷新竹夕陽明。十年塵土青衫色。萬里江山畫角聲。零落親朋勞遠夢。淒涼鄉社負歸耕。議郎博士多新奏。誰致當時魯二生。

夜登白帝城樓懷少陵先生

拾遺白髮有誰憐。零落歌詩遍兩川。人立飛樓今已矣。浪翻孤月尚依然。升沈自古無窮事。愚智同歸有限年。此意淒涼誰共

語夜闌鷗鷺起沙邊

假日書事

萬里西來爲一飢坐曹日日汗霑衣但嫌憂畏妨人樂不恨疏慵與世違雕檻迎陽花竝發畫梁避雨燕雙歸放懷始得閑中趣下馬何人又叩扉

追懷曾文清公呈趙教授趙近嘗示詩

憶在茶山聽說詩親從夜半得玄機常憂老死無人付不料窮荒見此奇律令合時方帖妥工夫深處卻平夷人間可恨知多少不及同君叩老師

初冬野興

關北關南霜露寒。灤東灤西山谷盤。簾紋細細吹殘水。龜背時時出小灘。衰髮病來無復綠。寸心老去尙如丹。逆胡未滅時多事。卻爲無才得少安。

醉中到白崖而歸

醉眼朦朧萬事空。今年痛飲灤西東。偶呼快馬迎新月。卻上輕輿御晚風。行路八千常是客。丈夫五十未稱翁。亂山缺處如橫線。遙指孤城翠靄中。

過廣安弔張才叔諫議

春風匹馬過孤城。欲弔先賢涕已傾。許國肺肝知激烈。照人眉宇尙崢嶸。中原成敗甯非數。後世忠邪自有評。歎息知人真未

易流芳遺臭盡書生

柳林酒家小樓

桃花如燒酒如油緩轡郊原當出遊微倦放教成午夢宿醒  
得伴春愁遠途始悟乾坤大晚節偏驚歲月迥記取清明果州  
路半天高柳小青樓

送劉戒之東歸

去國三年恨未平東城況復送君行難憑魂夢尋言笑空向除  
書見姓名殘日半竿斜谷路西風萬里玉關情蘭麝粉署朝回  
晚肯記蠶官數寄聲

五六句言跡今雖在斜谷情已若出玉關也

寄鄧公壽

高標瑤樹與瓊林。靈府清寒出苦吟。海內十年求識面。江邊一見卽論心。紛紛俗子常成市。亹亹微言孰賞音。聞道南池梅最早。要君攜手試同尋。

簡章德茂

殊方邂逅豈無緣。世事多乖復悵然。造物無情吾輩老。古人不死此心傳。冷雲黯黯朝橫棧。紅葉蕭蕭夜滿船。箇裏約君同著句。不應輸與灞橋邊。

閩中作

殘年作客遍天涯。下馬長亭便似家。三疊淒涼渭城曲。數枝閑澹。閩中花。襏褌授管相逢晚。理鬢熏衣一笑譁。俱是邯鄲枕中。



夢墜鞭不用憶京華

挽住征衣爲濯塵。閬州齋醲絕芳醑。鶯花舊識非生客。山水曾遊是故人。遨樂無時冠巴蜀。語音漸正帶咸秦。平生賸有尋梅債。作意城南看小春。

驛亭小憩遣興

淡日微雲共陸離。曲闌危棧出參差。老松臨道閱千載。杜宇號山連四時。漢水東流那有極。秦關北望不勝悲。郵亭下馬開孤劒。老大功名頗自期。

自笑

自笑謀生事事疏。年來錐與地俱無。平章春韭秋菘味。折補天

吳紫鳳圖食肉定知無骨相珥貂空自詵頭顱惟餘數卷殘書  
在破篋蕭然笑獠奴

三泉驛舍

殘鐘斷角度黃昏小驛孤燈早閉門霜氣峭深摧草木風聲浩  
蕩卷郊原故山有約頻回首末路無歸易斷魂短鬢蕭蕭不禁  
白強排幽恨近清樽

嘉川鋪得檄遂行中夜次小柏

黃旗傳檄趣歸程急服單裝破夜行肅肅霜飛當十月離離斗  
轉欲三更酒消頓覺衣裘薄驛近先看炬火迎渭水函關元不  
遠老鞭無日涕空橫

歸次漢中境上

雲棧屏山閱月遊。馬蹄初喜蹕梁州。  
地連秦雍川原壯。水下荆揚日夜流。  
遺虜孱孱甯遠略。孤臣耿耿獨私憂。  
良時恐作他年恨。大散關頭又一秋。

書事

生長江湖狎釣船。跨鞍塞上亦前緣。  
雲埋廢苑呼鷹處。雪暗荒郊射虎天。  
醪酒芳醑偏易醉。胡羊肥美了無羶。  
揚州雖有東歸日。閉置車中定悵然。

長木晚興

孝宗乾道八年壬辰年四十八歲

沮水嶠山名古今。聊將行役當登臨。  
斷橋煙雨梅花瘦。絕磴風

霜。柳。葉。深。末。路。清。愁。常。滾。滾。殘。冬。急。景。易。駸。駸。故。巢。東。望。知。何。處。空。羨。歸。鴉。解。滿。林。

赴成都泛舟自三泉至益昌謀以明年下三峽

詩。酒。清。狂。二。十。年。又。摩。病。眼。看。西。川。心。如。老。驥。常。千。里。身。似。春。蠶。已。再。眠。暮。雪。烏。奴。停。醉。帽。秋。風。白。帝。放。歸。船。飄。零。自。是。關。天。命。錯。被。人。呼。作。地。仙。

宿武連縣驛

平。日。功。名。浪。自。期。頭。顱。到。此。不。難。知。宦。情。薄。似。秋。蟬。翼。鄉。思。多。於。春。醕。絲。野。店。風。霜。俶。裝。早。縣。橋。燈。火。下。程。遲。鞭。寒。熨。手。戎。衣。窄。忽。憶。南。山。射。虎。時。

綿州魏成縣驛有羅江東詩云芳草有情皆礙馬好雲無處不遮樓戲用其韻

老夫乘興復西遊遠跨秦吳萬里秋尊酒登臨遍山寺歌辭散落滿江樓孤城木葉蕭蕭下古驛灘聲瀲灩流未許詩人誇此地茂林修竹憶吾州

卽事

渭水岐山不出兵卻攜琴劍錦官城醉來身外窮通小老去人間毀譽輕捫蝨雄豪空自許屠龍工巧竟何成雅聞嶠下多區芋聊試寒爐玉糝羹

登荔枝樓

平羌江水接天流。涼入簾櫳已似秋。喚作主人元是客。知非吾  
土。強登樓。閑憑曲檻常忘去。欲下危梯更小留。公事無多廚釀  
美。此身不負負嘉州。自注。薛能詩。不負嘉州只負身。

獨遊城西諸僧舍

我是天公度外人。看山看水自由身。薛崖直上飛雙屐。雲洞前  
頭岸幅巾。萬里欲呼牛渚月。一生不受庾公塵。非無好客堪招  
喚。獨往飄然覺更真。

晚登望雲

一出修門又十年。輩流多已珥金蟬。衰如蠹葉秋先覺。愁似鰥  
魚夜不眠。輦路疏槐迎駕處。苑城殘日泛湖天。君恩未報身今

老徒倚危樓一泣然

晚來煙雨暗江干烽火遙傳畫角殘看鏡功名空自許上樓懷  
抱若爲寬青楓搖落新秋令白髮淒涼舊史官飽見少年輕宿  
士可憐隨處強追歡

醉中感懷

早歲君王記姓名祇今憔悴客邊城青衫猶是鵷行舊白髮新  
從劍外生古戍旌旗秋慘淡高城刁斗夜分明壯心未許全消  
盡醉聽檀槽出塞聲

送客至江上

多事經旬不出城今朝送客此閑行郊

帶新晴色人語中

含樂歲聲天際斂雲山盡出江流收漲水初平故園社友應惆悵五歲無端秉耒耕

深居

作吏難堪簿領迷深居聊復學幽棲病來酒戶何妨小老去詩名不厭低零落野雲寒傍水霏微山雨晚成泥自憐甫里家風在小摘殘蔬遶廢畦

八月二十二日嘉州大閱

王炎辟先生幹辦公事是時當隨王至嘉州

陌上弓刀擁寓公水邊旌旆卷秋風書生又試戎衣窄山郡新添畫角雄自注郡舊止角四枝近方增如式早事樞庭虛畫策晚遊幕府愧無功草閒鼠輩何勞磔要挽天河洗洛嵩



曉出城東

渺渺長江下估船。亭亭孤塔隱蒼煙。不堪異縣蕭條地。更遇初寒慘澹天。巾褐已成歸有約。簞瓢未足去無緣。包羞強索侏儒米。豪舉何人記少年。

遊修覺寺

上盡蒼崖百級梯。詩囊香枕手親攜。山從飛鳥行邊出。天向平蕪盡處低。花落忽驚春事晚。樓高剩覺客魂迷。興闌掃榻禪房臥。清夢還應到剡溪。

湖上筍盛出戲作長句

鱗鱗穿筍瑤瓊簪。按行日夜待成林。養渠百尺干霄氣。見我平

生及物心剩插藩籬變玉折豫期風雨聽龍吟明年又徙囊衣  
去誰與平安報好音

宿杜氏晨起遇雨

怪藤十圍蔽白日老木千尺干青霄水泛戛灘竹作舫陸行跨  
空繩繫橋陰陰古屋精靈語慘慘江雲蛟鰐驕吾道非邪行至  
此諸公正散紫宸朝

東湖新竹

插棘編籬謹護持養成寒碧映淪漪清風掠地秋先到赤日行  
天午不知解籜時聞聲簌簌放梢初見葉離離官閑我欲頻來  
此枕簟仍教到處隨

讀胡基仲舊詩有感

少日飛騰翰墨場。暮年相見尙昂藏。  
沈沙舟畔千帆過。翦翮籠邊百鳥翔。  
訪古每思春竝轡。說詩仍記夜連牀。  
慙慙去日多於髮。不獨悲君亦自傷。

寓驛舍

自注予三至成都皆館於是

閒坊古驛掩朱扉。又憩空堂綻客衣。  
九萬里中鯤自化。一千年外鶴仍歸。  
遶庭數竹饒新筍。解帶量松長舊圍。  
惟有壁閒詩句在。暗塵殘墨兩依依。

宴西樓

西樓遺跡尙豪雄。錦繡笙簫在半空。  
萬里因循成久客。一年容

易又秋風燭光低映珠幃麗酒暈徐添玉頰紅歸路迎涼更堪  
愛摩訶池上月方中

離成都後卻寄公壽子友德稱

蕭條常閉爵羅門點檢朋儕幾箇存吾道將爲天下裂此心難  
與俗人言逢時尚可還三代掩卷何由作九原寄語龜城舊交  
道新涼殊憶共清樽

秋思三首

大面山前秋笛清細腰宮畔暮灘平吳檣楚柁動歸思隴月巴  
雲空復情萬里風塵舊朝士百年鉛槧老書生水村漁市從今  
始安用區區海內名

東坡全集卷十四  
集燕成歸秋景奇頗容老子醉哦詩山晴更覺雲含態風定閑  
看水弄姿痛飲何由從次道竝遊空復憶安期天涯又作經年  
客莫對青銅恨鬢絲

西風吹葉滿湖邊初換秋衣獨慨然白首有詩悲蜀道清宵無  
夢到鈞天迂疏早不營三窟流落今甯直一錢把酒未妨餘興  
在試憑絲管餞流年

觀長安城圖

許國雖堅鬢已斑山南經歲望南山橫戈上馬嗟心在尊堦環  
城笑虜辱日暮風煙傳隴上秋高刁斗落雲閒三秦父老應惆  
悵不見王師出散關

夜讀了翁遺文有感

秋雨蕭蕭夜不眠挑燈開卷意淒然吾曹自欲期千載世論何曾待百年當日公卿笑迂闊卽今河洛污腥膻陰陽消長從來事玩易深知屢絕編自注公自注傳

蜀州大閱

自注八月二十七日

曉東戎衣一悵然五年奔走遍窮邊平生亭障休兵日慘淡風雲閱武天戎隴舊遊真一夢渡遼奇事付他年劉琨晚抱聞雞恨安得英雄共著鞭

秋夜懷吳中

秋夜挑燈讀楚辭昔人句句不吾欺更堪臨水登山處正是浮

家泛宅時已酒不能消客恨蜀巫空解報歸期  
灞橋煙柳知何限誰念行人寄一枝

莫歸馬上作

石筍街頭日落時銅壺閣上角聲悲  
不辭與世終難合惟恨無人  
廡見知竇馬俊游春浩蕩江樓豪飲夜淋漓  
醉來剩欲吟梁父千古隆中可與期

自上清延慶歸過丈人觀少畱

再到蓬萊路欲平卻吹長笛過青城  
空山霜葉無行迹半嶺天風有嘯聲  
細棧跨雲紫峭絕危橋飛柱插澄清  
玉華更控青鸞在要倚欄干待月明

宿江原縣東十里張氏亭子未明而起

寸廩驅人卒歲勞。一官坐失布衣高。劒南十月霜猶薄。江上五更雞亂號。孤枕擁衾尋短夢。青燈照影著征袍。客愁相續無時斷。那得并州快剪刀。

戍卒說沈黎事有感

亭障曾無閱歲甯。頻聞夷落犯王靈。孤城月落冤魂哭。百里風吹戰血腥。燴重厭看茅葉赤。春殘不放柳條青。焦頭爛額知何補。弭患從來貴未形。

西樓夕望

夜郎城裏歎途窮。賴有西樓著此翁。溪鳥孤飛寒靄外。野人參



語夕陽中蒼天可恃何曾老白髮緣愁卻未公俗態十年看爛  
熟不如鴈眼送歸鴻

晚登橫溪閣

二首  
錄一

樓鼓聲中日又斜憑高愈覺在天涯空桑客土生秋草野渡虛  
舟集晚鴉瘴霧不開連六詔俚歌相答帶三巴故鄉可望應添  
淚莫恨雲山萬疊遮

翼日過摩訶池

清熙二年乙未五十一歲

烏帽翩翩白紵輕摩訶池上試閑行淙淙野水鳴空苑寂歷斜  
陽下廢城縱轡迎涼看馬影袖鞭尋句聽蟬聲白頭散吏元無  
事卻爲興亡一愴情

喜雨自注五月二十二日

黃塵赤日欲忘生。一夜新涼滿錦城。  
雨急驟增車轍水。泥深漸壯馬蹄聲。  
蚊蠅斂迹知無地。燈火於人頓有情。  
市遠雞豚不須問。小畦稀甲已堪烹。

寓舍書懷

借得茅齋近竹橋。羈懷病思兩無聊。  
春從豆蔻梢頭老。日向蒲齒上消。  
叢竹曉兼風力橫。高梧夜挾雨聲驕。  
書生莫倚身常健。未盡淩煙鬢已凋。

成都大閱

千步毬場爽氣新。西山遙見碧嶙峋。  
令傳雪嶺蓬婆外。聲震秦

川渭水濱。旗腳倚風時。弄影馬蹄經雨。不霑塵。屬囊縛袴。母多恨久矣。儒冠誤此身。

書懷

萬里馳驅坐一飢。自憐無計脫塵機。身留幕府還家少。眼亂文書把酒稀。客路更逢秋色晚。故山空有夢魂歸。芋羹豆飯元堪飽。錯用人言恨子威。

成都書事

劔南山水盡清暉。濯錦江邊天下稀。煙柳不遮樓角斷。風花時傍馬頭飛。茱萸似舊山美斫。膾魚如笠澤肥。客報城西有園賣。老夫白首欲忘歸。

大城少城柳已青。東臺西臺雪正晴。鶯花又作新年夢。絲竹常聞靜夜聲。廢苑煙蕪迎馬動。清江春漲拍堤平。尊中酒滿身強健。未恨飄零過此生。

自警

乳烹佛粥遽如許。菜簇春盤行及時。草木欣欣渠得意。乾坤浩浩我何私。懷材所忌多輕用。學道當從不自欺。旦莫置規君勿怪。修身三省自先師。

馬上偶成

城南城北紫遊韁。盡日閒行看似忙。刺水離離葛葉短。連村漠漠豆花香。夕陽有信催殘角。春草無情上繚牆。我亦人間倦遊。

者長吟聊復愴興亡

春晚書懷

萬里西遊爲覓詩。錦城更付一官癡。  
脫巾漉酒從人笑。拄笏看山頗自奇。  
疏雨池塘魚避釣。曉鶯窗戶客爭棋。  
老來怕與春爲別。醉過殘紅滿地時。

春殘

石鏡山前送落暉。春殘迴首倍依依。  
時平壯士無功老。鄉遠征人有夢歸。  
苜蓿苗侵官道合。蕪菁花入麥畦稀。  
倦遊自笑摧頽甚。誰記飛鷹醉打圍。

武擔東臺晚望

顚顚西窗已一翁。登高意氣尚豪雄。  
關河霸國興亡後。風月詩人醉醒中。  
病起頓驚雙鬢改。春歸一掃萬花空。  
欄邊徙倚知何事。直道吳天目未窮。

行武擔西南村落有感

騎馬悠然欲斷魂。春愁滿眼與誰論。  
市朝遷變歸蕪沒。礪谷餘芻互吐吞。  
一徑松楠遙見寺。數家雞犬自成村。  
最憐高冢臨官道。細細煙莎遍燒痕。

飯昭覺寺抵莫乃歸

身墮黃塵每慨然。攜兒蕭散亦前緣。  
聊憑方外巾。盂淨一洗人閒匕。  
箸。檀靜院春風傳浴鼓。畫廊晚雨溼茶煙。  
潛光寮裏明窗。

下借我消搖過十年

卜居

歷盡人間行路難。老來要覓數年閒。供家米少因添鶴。買宅錢多爲見山。池面紋生風細細。花根土潤雨斑斑。借春乞火依鄰里。剩釀村醪約往還。南浮七澤弔沈湘。西泝三巴掠夜郎。自信前緣與人薄。每求寬地寄吾狂。雪山水作中濡味。蒙頂茶如正焙香。儻有把茅端可老。不須辛苦念還鄉。

書歎

早得虛名翰墨林。謝歸忽已歲時侵。春郊射雉朝盤馬。秋院焚

香夜弄琴。病酒閉門。常兀兀哦詩。袖手久悄悄。浮沈不是忘經世。後有仁人識此心。

次韻范文淵

簞瓢氣已壓膏粱。不傍朱門味更長。細看高人忘寵辱。始知吾輩可憐傷。巖局句漏新丹竈。香火匡廬古道場。剩欲與君堅此約。他年八十鬢眉蒼。自注近有術者言僕壽過八十

過野人家有感

縱轡江皋送夕暉。誰家井臼映荆扉。隔籬犬吠窺人過。滿箔蠶飢待葉歸。自注吳人直謂桑曰葉世態十年看爛熟。家山萬里夢依稀。躬

耕本是英雄事。老死南陽未必非。



閒中偶題

楚澤巴山歲歲忙。今年睡足向禪房。祇知閒味如荼永不放。騎  
愁似草長。架上漢書那復看。牀頭周易亦相忘。客來拈起清談  
麈。且破西窗半篆香。

久矣雲衢斂羽翰。退飛更覺一枝安。七千里外新聞客。十五年  
前舊史官。花底清歌春載酒。江邊明月夜投竿。癡頑直爲多更  
事。莫怪胸懷抵死寬。

病起書懷

病骨支離紗帽寬。孤臣萬里客江干。位卑未敢忘憂國。事定猶  
須待闔棺。天地神靈扶廟社。京華父老望和鑾。出師一表通今

古夜半挑燈更細看

酒酣看劍凜生風。身是天涯一秃翁。捫蝨劇談空自許。聞雞浩歎與誰同。玉關歲晚無來使。沙苑春生有去鴻。人壽定非金石永。可令虛死蜀山中。

客自鳳州來言岐雍閒事悵然有感

表裏山河古帝京。逆胡數盡固當平。千門未報甘泉火。萬耦方觀渭上耕。前日已傳天狗墮。今年甯許佛狸生。會須一洗儒酸態。獵罷南山夜下營。

月下醉題

黃鵠飛鳴未免飢。此身自笑欲何之。閉門種菜英雄老。彈鋏思

魚書貴遲生擬入山隨李廣死當穿冢近要離一樽疆醉南樓  
月感慨長吟恐過悲

蒙恩奉祠桐柏

少年曾綴紫宸班晚落危途九折艱罪大初聞收郡印恩寬俄  
許領家山羈鴻但自思煙渚病驥甯容著帝閑回首觚稜渺何  
處從今常寄夢魂間

和范待制秋興

范待制名成大號石湖

策策桐飄已半空啼螿漸覺近房櫳一生不作牛衣泣萬事從  
渠馬耳風名姓已甘黃紙外光陰全付綠尊中門前剝啄誰相  
覓賀我今年號放翁

范石湖帥蜀時先生爲參議官以文字交不拘禮法人譏其頽放因自號放翁

睡臉餘痕印枕紋。秋衾微潤覆爐熏。井梧搖落先霜盡。衣杵淒涼帶月聞。佛屋紗燈明小像。經奩魚蠹蝕真文。身如病驥惟思臥。誰許能空萬馬羣。

山澤沈冥氣尚豪。鬢絲未遽歎蕭騷。已忘海運鯤鵬化。那計風微燕雀高。萬里客魂迷楚峽。五更歸夢隔胥濤。故知有酒當勤醉。自古甯聞死可逃。

歲莫感懷

征塵十載暗戎衣。虛負名山采藥期。少日覆瓿曾草檄。卽今橫槊尙能詩。昏昏殺氣秋登隴。颯颯飛霜夜出師。會有英豪能共此。鏡中未用歎吾衰。

萬里橋江上習射

坡隴如濤東北傾胡牀看射及春晴風和漸減雕弓力野迴遙  
聞羽箭聲天上攬槍端可落草閒狐兔不須驚丈夫未死誰能  
料一筇他年下百城

和范舍人病後二詩末章兼呈張正字

放衙元不爲春醒澹蕩江天氣未清欲賞園花先夢到忽聞簷  
雨定心驚香雲不動鼎籠暖蠟淚成堆斗帳明關隴宿兵胡未  
滅祝公垂簾在尊生

士生不及慶厯初下方元祐當勿疏請看蛟龍得雲雨豈比烏  
雀馴階除舍人起視北門草學士歸著東觀書劔外老農亦吐

氣釀酒畦花常晏如

登劔南西川門感懷

自古高樓傷客情更堪萬里望吳京故人不見莫雲合客子欲  
歸春水生瘴癘連年須藥石退藏無地著柴荆諸公勉畫平戎  
策投老深思看太平

宿上清宮

永夜寥寥憩上清下聽萬壑度松聲星辰頓覺去人近風雨何  
曾敗月明早歲文辭妨至道中年憂患博虛名一菴儻許西峰  
住常就巢僊問養生

野步至青羊宮偶懷前年嘗劇飲於此

錦官門外曳枯筇此地天教著放翁萬事元無工拙處一官已  
付有無中峯雲柏樹瘦蛟立繞郭江流清鏡空欲把酒盃終覺  
嬾緩歌曾醉落花風

感秋

西風繁杵擣征衣客子關情正此時萬事從初聊復爾百年彊  
半欲何之畫堂蟋蟀怨清夜金井梧桐辭故枝一枕淒涼眠不  
得呼燈起作感秋詩

絕勝亭

蜀漢驕遊歲月侵京華乖隔少來音登臨忽據三江會飛動從  
來萬里心地勝頓驚詩律壯氣增不怕酒盃深一琴一劍白雲

外。排。手。下。山。何。處。尋。

獵罷夜飲示獨孤生三首

客途孤憤只君知。不作兒曹怨別離。  
報國雖思包馬革。愛身未忍貨羊皮。  
呼鷹小獵新霜後。彈劍長歌夜雨時。  
感慨卻愁傷壯志。倒瓶濁酒洗餘悲。

關輔何時一戰收。蜀郊且復獵清秋。  
洗空狡穴銀頭鶻。突過重城玉腕驪。  
賊勢已衰真大慶。士心未振尙私憂。  
一樽共講平戎策。勿爲飛鳶念少游。

白袍如雪寶刀橫。醉上銀鞍身更輕。  
帖草角鷹掀兔窟。憑風羽箭作鵑鳴。  
關河可使成南北。豪傑誰堪共死生。  
欲疏萬言投魏



闕燈前攬筆涕先傾

秋晚登城北門

幅巾藜杖北城頭。卷地西風滿眼愁。  
一點烽傳散關信。兩行雁帶杜陵秋。  
山河興廢供搔首。身世安危入倚樓。  
橫槊賦詩非復昔。夢魂猶繞古梁州。

夜飲

引劍酣歌亦壯哉。要君共覆手中盃。  
秋鴻陣密橫江去。莫角聲酣戰雨來。  
莫恨皇天無老眼。請看白骨有青苔。  
中年倍覺流光速。行矣西郊又見梅。

病酒述懷

閒處天教著放翁。草廬高臥。窄橋東。數莖白髮。悲秋後。一盞青  
燈。病酒中。李廣射歸關。月墮劉琨。嘯龍寒。雲空。古人意氣。憑君  
看不待功成。固已雄。

江樓醉中作

淋漓百榼宴江樓。秉燭揮毫。氣尚遒。天上但聞星主酒。人間甯  
有地。埋憂生。希李廣。名飛將。死慕劉伶。贈醉侯。戲語佳人頻一  
笑。錦城已是六年留。

曳策

慈竹蕭森拱廢臺。醉歸曳策一徘徊。紛紛落日牛羊下。黯黯長  
空霰雪來。三峽猿催清淚落。兩京梅傍戰塵開。客懷已是淒涼

甚更聽城頭畫角哀

醉中出西門偶書

清熙四年丁酉五十三歲

古寺閒房閉寂寥。幾年耽酒負公朝。青山是處可埋骨。白髮向人羞折腰。末路自悲終老蜀。少年常願從征遼。醉來挾箭西郊去。極目寒蕪雉免驕。

歎息

國家圖籙合中興。歎息吾甯粥飯僧。賣劍買牛衰可笑。壞裳爲袴老猶能。曉過射圃雲藏壘。夜讀兵書雨灑燈。安得龍媒八千騎。要令窮虜畏飛騰。

客愁

驕馬出門無所詣。端居正爾客愁侵。蒼顏白髮入衰境。黃卷青  
燈空苦心。天下極知須雋傑。書生何恨死山林。消磨未盡胸中  
事。梁甫時時尚一吟。

倚樓

減盡朱顏白髮新。高樓徙倚默傷神。未酬馬上功名願。已是人  
閒老大身。太史周南方臥疾。拾遺劔外又逢春。一杯且爲江山  
醉。百萬呼盧迹已陳。

南定樓遇急雨

自晚泊至此皆  
久客蜀中之詩

行遍梁州到益州。今年又作度瀘遊。江山重複爭供眼。風雨縱  
橫亂入樓。人語未離逢峒獠。棹歌欸乃下吳舟。天涯住穩歸心

人言金  
卷三  
三  
嬾登覽茫然卻欲愁

風順舟行甚疾戲書

此下自敘州出蜀之詩

昔者遠戍南山邊軍中無事酒如川呼盧喝雉連莫夜擊兔伐  
狐窮歲年壯士春燕臥白骨老夫晨鏡悲華顛可憐使氣尙未  
減打鼓順流千斛船

峽州東山

清熙五年戊戌五十四歲

十年不踏東山路今日重爲放浪行老矣判無黃鵠舉歸哉惟  
有白鷗盟新秧刺水農家樂修竹環溪客眼明已駕巾車仍小  
駐綠蘿亭下聽鶯聲

初發夷陵

雷動江邊鼓吹雄。百灘過盡失途窮。山平水遠蒼茫外。地闊天  
開指顧中。俊鶻橫飛遙掠岸。大魚騰出欲凌空。今朝喜處君知  
否。三丈黃旗舞便風。

泊公安縣

秦關蜀道何遼哉。公安渡頭今始回。無窮江水與天接。不斷海  
風吹月來。船窗簾捲螢火開。沙渚露下蘋花開。少年許國忽衰  
老。心折柁樓長笛哀。

南樓

十年不把武昌酒。此日關邊感慨深。舟楫紛紛南復北。山川莽  
莽古猶今。登臨壯士興懷地。忠義孤臣許國心。倚杖黯然斜照

晚秦吳萬里入長吟

黃鶴樓

手把仙人綠玉枝。吾行忽及早秋期。  
蒼龍闕角歸何晚。黃鶴樓中醉不知。  
江漢交流波渺渺。晉唐遺跡草離離。  
平生最喜聽長笛。裂石穿雲何處吹。

舟中偶書

老子西遊萬里回。江行長夏亦佳哉。  
晝眠初起報茶熟。宿酒半醒聞雨來。  
漢口船開催疊鼓。淮南帆落亞高桅。  
四方本是丈夫事。白首自憐心未灰。

舟行靳黃閒雨霽得便風有感

天。青。雲。白。十。分。晴。帆。飽。舟。輕。盡。日。行。江。底。魚。龍。貪。熟。睡。淮。南。草。木。借。秋。聲。好。山。縹。緲。何。由。住。華。髮。蕭。條。祇。自。驚。莫。怪。時。人。笑。疏。嬾。宦。情。元。不。似。詩。情。

初見廬山

從。軍。憶。在。梁。州。日。心。擬。西。征。草。捷。書。鐵。馬。但。思。經。太。華。布。帆。何。意。拂。匡。廬。計。謀。落。落。知。誰。許。功。業。悠。悠。定。已。疏。尚。喜。東。林。尋。舊。社。月。明。清。露。溼。芙。蕖。

六月十四日宿東林寺

先生自蜀歸遷江西常平提舉江

九江登岸赴南昌

故經過東林寺

看。盡。江。湖。千。萬。峯。不。嫌。雲。夢。芥。吾。胸。戲。招。西。塞。山。前。月。來。聽。東。



林寺裏鐘遠客豈知今再到先生昔嘗判隆興府故曰今再到老僧能記昔相

逢虛窗熟睡誰驚覺野碓無人夜自舂

過采石有感

先生至江西不久即召還與祠又出江  
自孤金陵至浙江還家故過采石

短衣射虎早霜天歎息南山又七年唾手每思雙羽箭快心初  
見萬樓船平波漫漫看浮馬高柳陰陰聽亂蟬明日重尋石頭  
路醉鞍誰與共聯翩

登賞心亭

蜀樓秦關歲月遒今年乘興卻東遊全家穩下黃牛峽半醉來  
尋白鷺洲黯黯江雲瓜步雨蕭蕭木葉石城秋孤臣老抱憂時  
意欲請遷都涕已流

將至京口

臥聽金山古寺鐘。三巴昨夢已成空。  
船頭坎坎回帆鼓。旗尾舒舒下水風。  
城角危樓晴靄碧。林間雙塔夕陽紅。  
銅瓶愁汲中濡水。不見茶山九十翁。

自注頃在京口嘗取中濡水寄曾文清公

歸雲門

自蜀歸來至是還越抵家矣

萬里歸來值歲豐。解裝鄉墅樂無窮。  
甌炊飽雨湖菱紫。篋絡迎霜野柿紅。  
壤壁塵埃尋醉墨。孤燈餅餌對鄰翁。  
微官行矣闔山去。祠即起知嚴州不載闕山微官之事。

去

宋史先生本傳但載自江西召還與又寄千巖夢想中

湖村秋曉

劒閣秦山不計年。卻尋剡曲故依然。  
盡收事業漁舟裏。全付光

陰酒榼邊平野曉聞孤唳鶴澄湖秋浸四垂天九關虎豹君休問已向人間得地仙

夢至成都悵然有作

春風小陌錦城西翠箔珠簾客意迷下盡身籌閑縱博刻殘畫燭戲分題紫氍毹暖帳中醉紅叱撥驕花外嘶孤夢淒涼身萬里令人憎殺五更雞

宦途元不羨飛騰錦里豪華壓五陵紅袖引行遊玉局華燈圍坐醉金繩階前汗血洮河馬架上霜毛海國鷹世事轉頭誰料得一官南去冷如冰

衢州道中作

耿耿孤忠不自勝。南來清夢遶觚稜。驛門上馬千峯雪。寺壁題詩一硯冰。疾病時時須藥物。衰遲處處少交朋。無情最恨塞沙雁。不爲愁人說杜陵。

宿魚梁驛五鼓起行有感

憶從南鄭客成都。身健官閑一事無。分騎霜天伐狐兔。張燈雪夜擲梟盧。百憂忽墮新衰境。一笑難尋舊酒徒。投宿魚梁溪邊屋。五更聽雨擁篝爐。

少時談舌坐生風。管葛奇才自許同。閉戶著書千古計。變名學劍十年功。酒醒頓覺狂堪笑。睡起方知夢本空。他日故人能憶我。葛僊磯畔覓漁翁。

夜坐偶書

衰髮蕭疏雪滿簪。莫年光景易駸駸。已甘身作溝中斷，不願人知爨下音。病鶴摧頽分薄俸，悲蛩斷續和微吟。向來誤有功名念，欲挽天河洗此心。

自詠

遊戲人間歲月多。癡頑將奈此翁何。放開繩筆牛初熟，照破乾坤境未磨。日落苔磯閒把釣，雨餘篷舵亂堆蓑。明朝不見知何處，又向江湖醉踏歌。

客意

山行曳杖水擎舟。走遍茫茫禹畫州。蝴蝶夢魂常是客，芭蕉身

世不禁秋早。因食少妨高臥。晚憶茶甘作遠遊。龍焙一嘗端可  
去。無心更爲荔枝畱。

### 憶山南

貂裘寶馬梁州日。盤槩橫戈一世雄。怒虎吼山爭雪刃。驚鴻出  
塞避雕弓。朝陪策畫清油裏。莫醉笙歌錦幄中。老去據鞍猶矍  
鑠。君王何日伐遼東。

醉墨淋漓酒百杯。轅門山色碧崔嵬。打毬駿馬千金買。切玉名  
刀萬里來。結客漁陽時遣簡。踏營渭北夜銜枚。十年一夢今誰  
記。閉置車中祇自哀。

### 追感梁益舊遊有作

西遊萬里倚朱顏。肯放尊前一笑慳。蜀苑妓圍欺夜雪。梁州獵  
火滿秋山。晚途忽墮塵埃裏。樂事渾疑夢寐間。浮世變遷君勿  
歎。劇談猶足詫鄉關。

奏乞奉祠留衢州皇華館待命

先生自建安至鉛山  
玉山常山遂達衢州

世念蕭然冷欲冰。更堪衰與病相乘。從來幸有不材木。此去真  
爲無事僧。耐辱豈惟容唾面。寡言端擬學銘膺。尙餘一事猶豪  
舉。醉後龍蛇滿剡藤。

寓館晚興

隨牒人間不自憐。衢州孤驛更蕭然。百年細數半行路。萬事不  
如長醉眠。髮短經秋真種種。腹寬耐事祇便便。晚窗商略唯當

飲安得黃花到眼邊

三月二十一日作

清熙七年庚子五十六歲

蹴踘牆東一市譁鞦韆樓外兩旗斜及時小雨放桐葉無賴餘  
寒開棟花明月吹笙思蜀苑軟塵騎馬夢京華懽情減盡朱顏  
改節物催人祇自嗟

與黎道士小飲偶言及曾文清公慨然有感

臨川稅駕忽數月嗜睡愛閑常閉門君詩始愜病僧意吾道難  
爲俗人言秋雨淒淒黃葉寺春風酣酣綠樹村曾公九原不可  
作一尊破涕誦招魂

夜意



灑地移牀曲檻前。葛衣蕭爽接離偏。庭空秋近露沾草。月落夜闌星滿天。靜待微風停素扇。旋消殘酒漱寒泉。脩然自與氛埃遠。安用騎鯨學水仙。

初秋

溼螢相逐照高棟。又見一年風露秋。流落江湖常踽踽。掃平河洛轉悠悠。簿書終日了官事。尊酒何時寬客愁。擬倩天風吹夢去。浩歌起舞散花樓。

別楊秀才

歲暮江頭又語離。淡煙衰草不勝悲。俗人憤憤甯知子。心事悠悠欲語誰。燈暗想傾燒悶酒。路長應和贈行詩。人生但要身強健。

健一笑相從自有時

行至嚴州壽昌縣界得請許免入奏仍除外官感恩述懷

先生自蜀歸山陰後一出官於建安再官於撫州自撫州謝事後至高安一行又還至嚴州得免入奏之命從此又歸山陰矣集中爲第十及十一十二卷諸詩此所抄僅七律十餘首故不能詳其行蹤

曉傳尺一到江村拜起朝衣漬淚痕敢憾帝城如日遠喜聞天語似春溫翰林惟奉還山詔湘水空招去國魂聖主恩深何力報時從天末望修門

新築山亭戲作

直熙八年辛丑五十七歲

危檻凌風出半空怪奇造化欲無功天垂繚白縈青外人在紛紅駭綠中日月忽忽雙轉轂古今杳杳一飛鴻酒酣獨臥林間

石未許塵寰識此翁

自詠

三十年前接俊遊。卽今身世寄滄州。但聲不辨諧韶護。莫氣甯能徹斗牛。綠酒可人消永日。黃鸝多事管閑愁。吹笙跨鶴何時去。剩欲平章太華秋。

感秋

南山射虎漫豪雄。投老還鄉一秃翁。世味掃除和蠟盡。生涯零落竝錐空。秋驚蠹葉凋殘綠。病著衰顏失舊紅。笠澤松陵家世事。一竿惟是待西風。

冬煖頗有春意。追憶成都昔遊。悵然有作。

濯錦江邊罨畫樓。金鞭曾護犢車遊。紛紛萬事反乎覆。落落一身淹此留。刻燭賦詩空入夢。傾家釀酒不供愁。探春歌吹應如昨。亦有朋儕記我不。

冬夜不寐至四鼓起作此詩

秦吳萬里車轍遍。重到故鄉如隔生。歲晚酒邊身老大。夜闌枕畔書縱橫。殘燈無焰穴鼠出。槁葉有聲村犬行。八十將軍能滅虜。白頭吾欲事功名。

自注高麗有識云當有八十老將平之李英公實府是識

夜飲示坐中

胡雁叫羣寒夜長。崢嶸北斗天中央。達人大觀眇萬物。烈士壯心懷四方。縱酒長鯨渴吞海。草書瘦蔓飽經霜。付君詩卷好收

拾後五百年無此狂

獨孤生策字景略河中人工文善射喜擊劒一世奇士也

有自峽中來者言其死于忠涪間感涕賦詩

憶昨騎驢入蜀關旗亭邂逅一開顏氣鍾太華中條秀文在先  
秦兩漢間寶劒憑誰占斗氣名駒竟失養天閑身今老病投空  
谷回首東風涕白潯

夜泊水村

清熙王寅五十八歲

腰間羽箭久凋零太息燕然未勒銘老子猶堪絕大漠諸君何  
至泣新亭一身報國有萬死雙鬢向人無再青記取江湖泊船  
處臥聞新雁落寒汀

夜步庭下有感

夜遶庭中百匝行。秋風傳漏忽三更。星辰北拱疏還密。河漢西流縱復橫。驚鵲遶枝棲不穩。冷螢穿竹遠猶明。書生老抱平戎志。有淚如江未敢傾。

題酒家壁

明主何曾棄不才。書生飄泊自堪哀。煙波東盡江湖遠。雲棧西從隴蜀回。宿雨送寒秋欲晚。積衰成病老初來。酒香菰脆丹楓岸。強遣樽前笑口開。

幽居感懷

清熙十年癸卯五十九歲

偶傍楓林結數椽。東歸也復度流年。汀洲雁下依殘水。墟里人

行破夕煙十月風霜欺客枕五更鼓角滿江天散關清渭應如  
昨回首功名一愴然

自若耶溪舟行杭鏡湖而歸

換馬亭前煙火微鬪牛橋畔行人稀雲山慘澹少顏色霜日青  
薄無光輝新酒篳成桑正落美人信斷雁空歸高樓何處吹長  
笛清淚無端又溼衣

遊山歸偶賦

此生本寄一浮漚歸臥茅茨又四秋習氣未除惟痛飲幻軀偶  
健且閒遊買蓺山縣雲藏市橫笛江城月滿樓與世沈浮最安  
樂莫思將相使恩讐

苦寒

凍硯時能出苦吟。濁醪亦復慰孤斟。誰知冰雪凝嚴候。自是乾坤愛育心。癘鬼盡驅人意樂。遺蝗一洗麥根深。但嫌景短妨書課。棲鳥紛紛又滿林。

冬夜月下作

造物甯能困此翁。浩歌庭下翕松風。煌煌斗柄插天北。焰焰月輪生海東。皂纛黃旗都護府。綬冠長劍大明宮。功名晚遂從來事。白首江湖未欺窮。

感憤

今皇神武是周宣。誰賦南征北伐篇。四海一家天歷數。兩河百



入家詩集卷三  
郡宋山川諸公尙守和親策志士虛捐少壯年京洛雪消春又  
動永昌陵上草芊芊

塞上

塞上今年有事宜將軍承詔出全師精金錯落八尺馬刺繡鮮  
明五丈旗上谷飛弧傳號令蕭關積石列城陣不應幕府無班  
固早晚燕然刻頌詩

囚山

垣屋參差綠樹邊囚山光景饑華顛平川極目思秦地大澤浮  
空憶楚天刺虎射麋俱已矣舉杯開劒忽悽然此生終遣英雄  
笑棘沒銅駝六十年

夏曰小宴

甲辰六  
十歲

橫吹銅笛蒼龍聲雙奏玉笙丹鳳鳴已判百年終醉死要將一  
笑壓愁生旋移畫舫破山影高捲朱簾延月明試問炎歊在何  
許夜闌翻怯葛衣輕

聞虜政衰亂掃蕩有期喜成口號

正朔今年被百蠻遙知喜色動天顏風雷傳號臨春水貔虎移  
軍過玉關博士已成封禪草單于將就會朝班孤臣老抱周南  
憾壯觀空存夢想閒

遺虜遊魂豈足憂漢家方運幄中籌天開地闢逢千載雷動風  
行遍九州刁斗令嚴青海夜旌旗色照鐵關秋功名自是英豪

事不用君王萬戶侯

山寺

寺門壓石危欲崩  
槎牙老松挂蒼藤  
風傳上方出定磬  
雨暗古殿長明燈  
宿林野鶻驚復起  
爭栗山童呼不應  
谿南聞道更幽絕  
明日裂布縫行縢

野飲

青山千載老英雄  
濁酒三杯失阮窮  
訪古頽垣荒塹裏  
覓交屠狗賣漿中  
平堤漸放春蕪綠  
細浪遙翻夕照紅  
已把殘年付天地  
騎牛吹笛伴村童

獨酌有懷南鄭

憶從嶠家涉南沮。笳鼓聲酣醉膽甌。投筆書生古來有。從軍樂事世閒無。秋風逐虎花叱撥。夜雪射熊金僕姑。白首功名元未晚。笑人四十歎頭顱。

夜步

市人莫笑雪蒙頭。北陌南阡信腳遊。風遞鐘聲雲外寺。水搖燈影酒家樓。鶴歸遼海逾千歲。楓落吳江又一秋。卻掩船扉耿無寐。半窗落月照清愁。

偶讀山谷老境五十六翁之句作六十二翁吟

三百里湖水接天。六十二翁身刺船。飯足便休慵念祿。丹成不服怕登仙。胸中浩浩了無物。世上紛紛徒可憐。但有青錢沽白

酒猶堪醉倒落梅前

書憤

早歲那知世事難。中原北望氣如山。樓船夜雪瓜洲渡。鐵馬秋風大散關。塞上長城空自許。鏡中衰鬢已先斑。出師一表真名世。千載誰堪伯仲間。

臨安春雨初霽

世味年來薄似紗。誰令騎馬客京華。小樓一夜聽春雨。深巷明朝賣杏花。矮紙斜行閑作草。晴窗細乳戲分茶。素衣莫起風塵歎。猶及清明可到家。

先生還自蜀中一爲江西常平郎歸山陰決矣考其時當在孝宗

敷年今始入朝旋即還山此詩之末句已

清熙十三年丙午之春

小舟過御園

聖主憂民罷露臺。春風別苑畫常開。盡除曼衍魚龍戲。不禁芻蕘雉兔來。水鳥避人橫翠靄。宮花經雨委蒼苔。殘年自喜身強健。又作清都夢一回。

水殿西頭起砌臺。綠楊開處杏花開。簫韶本與人同樂。羽衛纔聞歲一來。鷁首波生涵藻荇。金鋪雨後上莓苔。遠臣侍宴應無日。目斷堯雲到晚回。

還家

富貴元須早致身。白頭豈復市朝人。數聲鶉鴂呼殘夢。一架酴醾送晚春。疊嶂出雲明客眼。澄江漲雨濯京塵。逢人枉道哦詩

瘦下語今年尙未親

天津橋上醉騎驢一錦囊詩一束書作客況當多病後還家已

過莫春初

三月卽歸計先生在京不過月餘

泥深村巷人誰顧草滿園畦手自

鉏不爲衰遲思屏迹此心元向利名疏

夜行玉筍樵風之間宿龍瑞

野店谿橋供晚餉吟邊醉裏弄春風馬行缺月黃昏後鐘下亂  
山空翠中名宦不辭成寂寂歲時惟憾去怱怱頗聞禹穴遺書  
在安得高人與細窮

題齋壁

清熙十三年丙午六十二歲

二十餘年此結茆園公谿父日論交風翻半浦亂荷背雨放一

林新笋梢隔葉晚鶯啼谷口。暖花雛鵬聚塘坳。出門行能還無事。借得丹經手自抄。

四顧茫茫水接天。幽居真箇似乘船。月窗竹影連樓鵲。露井桐聲帶斷蟬。甘寢每憎茶作祟。清狂直以酒爲仙。形骸那得常羈束。六十年來又二年。

舴艋爲家一老翁。陽狂羞與俗人同。夢回菱曲漁歌裏。身寄蘋洲蓼浦中。斷簡塵埃存治道。高邱草棘閉英雄。旗亭村酒何勞醉。聊豁平生芥蒂胸。

稽山千載翠依然。著我山前一釣船。瓜蔓水平芳草岸。魚鱗雲襯夕陽天。出從父老觀秧馬。歸伴兒童放紙鳶。君看此翁閑適。



處不應便調世無仙

官居戲詠

先生於丙午秋知嚴州

萬里飄然似斷蓬。桐廬江上又秋風。判餘牘尾棲鴟溼。衙退庭中立。雁空燈火市樓知。酒賤歌呼村里覺。年豐誰言病守無歡意也。與他人一笑同。

說著功名卽自羞。莫年世味轉悠悠。一庭落葉楸梧老。萬里悲風鼓角秋。懷綬不爲明日計。登樓且散異鄉愁。漁舟大似非凡子。能揀溪山勝處留。

城頭閑倚一枝藤。病起清羸不自勝。衙鼓有期催晚坐。條鈴無賴喚晨興。愛書習氣嗟猶在。算過工夫愧未能。寂寞已無臺省

夢諸公袞袞自飛騰

登北榭

遶城山作翠濤傾底事文書日有程無溷我爲揮吏散獨登樓  
去看雲生香浮鼻觀煎茶熟喜動眉閒煉句成莫笑衰翁淡生  
活他年猶得配玄英

自注方干有  
千峯榭詩

秋夜聞雨

香斷燈昏小幌深不堪病裏值秋霖驚回萬里關河夢滴碎孤  
臣犬馬心清似釣船聞急瀨悲於靜院聽繁砧玉峯老去情懷  
惡穩受千莖雪鬢侵

自注韓致光詩云不知短髮  
能多少  
滿秋霖白一莖

自詠

鈍似窗閒十月蠅。淡如世外一孤僧。心勞撫字雖亡補。筆判虛空卻麓能。厭見文書銜客袖。但思蔬水曲吾肱。何時卻宿雲門寺。靜聽霜鐘對佛燈。

醉中戲作

當年買酒醉新豐。豪士相期意氣中。插羽軍書立談辦。如山鐵騎一麾空。玉關久付清宵夢。笠澤今成白髮翁。堪笑燈前如意舞。尙將老健壓諸公。

安流亭俟客不至獨坐成詠

憶昔西征鬢未霜。拾遺陳迹吊微茫。蜀江春水千帆落。禹廟空山百草香。馬影斜陽經劍閣。鰲聲清曉下瞿唐。酒徒雲散無消

息水榭憑欄淚數行

秋雨北榭作

秋風吹雨到江濱。小閣疏簾曉色分。  
津吏報增三尺水。山僧歸入萬重雲。  
飄零露井無桐葉。斷續煙汀有雁羣。  
了卻文書早尋睡。檐聲偏愛枕閒聞。

病起小飲

病起新霜滿鬢蓬。憑高一笑與誰同。  
酒如淥靜春江。水人有鴻荒太古風。  
野寺鐘來夕陽外。寒山空插亂雲中。  
一官正爾妨人樂。只合滄浪狎釣翁。

燈下閱吏牘有感

老眼今年太負渠。義經魯史頓成疏。一爲柱後惠文吏。厭讀司  
空城旦書。正苦雁行須束縛。不言鼠輩合誅鉏。致君堯舜元無  
術。黃卷何辭飽蠹魚。

縱筆

閑經月下白蘋洲。半脫風前紫綺裘。曾值東風謁鸞鵲。卻因南  
渡看龍舟。年光已付夢騰醉。天宇誰從汗漫遊。莫怪又成橫笛  
去。故人期我玉華樓。自注玉華樓在山丈人觀  
東都宮闕鬱嵯峨。東都指汴京忍聽胡兒敕勒歌。雲隔江淮翔翠鳳。  
露濡荊棘沒銅駝。丹心自笑依然在。白髮將如老去何。安得鐵  
衣三萬騎。爲君王取舊山河。

行省當年駐龍頭行省謂蜀帥王炎儒隨牒亦西遊千艘衝  
雪魚關曉萬龍連雲駱谷秋天道難知胡更熾神州未復士堪  
羞會須瀝血書封事請報天家九世讎

雪夜有感

狂膽輪囷欲滿軀一麾誰憫滯江湖青衫曾奏三千牘白首猶  
思丈二象龍虎翔空瞻王氣犬羊度漠避天誅何時冒雪趨行  
殿香案前頭進陣圖

讀書

淳熙十四年丁未六十三歲

束髮論交一世豪莫年顛顛困蓬蒿文辭博士書驢券職事參  
軍判馬曹病裏猶須看周易醉中亦復讀離騷若爲可奈功名

念試覓并州快剪刀

夜登千峯榭

夷甫諸人骨作塵。至今黃屋尙東巡。度兵大峴非無策。收泣新亭要有人。薄醪不澆胸壘塊。壯圖空負膽輪囷。危樓插斗山銜月。徙倚長歌一愴神。

登千峯榭

飛觀危欄縹緲中。聊將醉眼送歸鴻。一生未售屠龍技。萬里猶思汗馬功。王衍諸人甯足責。姜維豎子自應窮。他年弔古憑高處。想見清伊照碧巒。

秋夜登千峯榭待曉

萬里秋風夜艾時。剡川孤客不勝悲。  
讀書眼暗定誰許。憂國涕零空自知。  
欲墜高梧先策策。漸低北斗正離離。  
倚闌不覺雞號曉。翦燭題詩寄所思。

嚴州大閱

鐵騎森森帕首紅。角聲旗影夕陽中。  
雖慙江左繁雄郡。且看人間躍鑠翁。  
清渭十年眞昨夢。玉關萬里又秋風。  
憑鞍撩動功名意。未減猿驚蕙帳空。

曉遊東園

藥瓢藜杖合施行。獨往山林已歆盟。  
傍水斷雲含暮色。拂檐高竹借秋聲。  
癡人自作浮生夢。腐骨那須後世名。  
莫笑吟哦無闕事。



日老來未盡獨詩情

寓歎

江上霜風透敝袍。區區無奈簿書勞。衰遲始憶壯遊樂。仕宦更知歸臥高人怪。羊裘忘富貴。我從牛僧得賢豪。俗閒問訊真成嬾。有手惟堪把蟹螯。

劔外歸耕夢不通。公車上疏路何從。有心求縮地。萬里無羽可朝天。九重狂誦新詩驅瘧鬼。醉吹橫笛舞神龍。明當采藥玉霄去。他日君看冰雪容。

寒夜移疾

南山北山高嶙峋。朝雨暮雨斷江津。時人正作市朝夢。老子已

成雲水。身希世。強顏心自媿。閉門謝病客。生嘆天公何日與一

飽短艇。湘湖自采蓴。

自注。湘湖在蕭山縣產蓴極美。

走遍天涯白髮生。晚叨微祿臥山城。知章自識狂供奉。士季那容醉步兵。斲藥有時攜短鑊。奏書無路請長纓。此心擬說還休去。付與空階夜雨聲。

### 述懷

尺寸雖無補縣官。此心炯炯實如丹。羯胡未滅敢愛死。尊酒在前終鮮歡。亞父抱忠撞玉斗。虞人守節待皮冠。縱言老病摧頽甚。壯氣猶憑後代看。

謗譽紛紛笑殺儂。此身本自等虛空。大鵬境界纖塵裏。曠劫年

光聖電中翻動煙霞長鑱在招呼風月一尊同是凡是聖誰能  
測試問西陵織屨翁

到嚴十五晦朔郡釀不佳求於都下旣不時至欲借書讀  
之而寓公多祕不肯出無以度日殊惘惘也

桐君故隱兩經秋小院孤燈夜夜愁名酒過於求趙璧異書渾  
似借荊州溪山勝處身難到風月佳時事不休安得連車載邨  
釀金鞭重作浣花遊

北窗閑詠

戊申以上淳熙十五年  
六十四歲

陰陰綠樹雨餘香半捲疏簾置一牀得祿僅償賒酒券思歸新  
草乞祠章古琴百柄彈清散名帖雙鉤榻硬黃夜出灞亭雖跌

宕也勝歸作老馮唐

感憤秋夜作

此時已自嚴州事還家矣

月昏當戶樹突兀風

惡滿天雲往來太阿匣藏不見用孤憤書

成空自哀吾輩赤心

本賢曰昔人白骨今生苔榮河溫洛不可

見青海玉關安在哉

反感憤

自注明悲乃復作此自解夜讀前作而

膊膊庭樹雞初鳴噓

噓天衢雁南征百年朝露豈長久萬事淨

雲常變更出處有心

終有愧聖賢無命亦無成西疇雖薄可自

力雙犢日當乘雨耕

舟中大醉偶賦長句

過江何敢號高流。偶與俗人風馬牛。畫檝新搖巖瀨月。清尊又  
醉戴溪秋。壯心無復在千里。老氣尙能橫九州。古寺試求三丈  
壁。爲君驅筆戰蛟虬。  
三句謂初離嚴州四句謂已歸山陰也

新晴泛舟至近村偶得雙鰕而歸

秋風一夜老汀蘋。剡曲稽山發興新。青嶂會爲身後冢。扁舟聊  
作畫中人。園林搖落知寒早。父老逢迎覺意真。歸舍不妨成小  
醉。眼明細柳貫霜鱗。

歲晚感懷  
戊申年六十四歲

利名爭奪兩皆非。生世甯殊露易晞。老冉冉來誰獨免。冢纍纍  
處會同歸。聽歌莫惜終三疊。縱獵何妨更一圍。醉臥日高呼不

醒笑人霜曉東朝衣

四鼓出嘉會門赴南郊齋宮

先生以清熙十五年除軍器少監前有初到行在宿監中

等詩未鈔

客遊梁益半吾生不死還能見太平  
初喜夢魂朝帝所更驚老眼看都城  
九重宮闕晨霜冷十里樓臺落月明  
白髮蒼顏君勿笑少年慣聽舜韶聲

馬上作

三十年前客帝城城南結騎盡豪英  
湖山冷落悲陳迹文字流傳付後生  
衰老更禁新臥病塵埃時拂舊題名  
馬頭風捲飛花過又得殘春一日晴

送霍監丞出守盱眙

淮浦鱗鱗浸碧天。卽今誰料作窮邊。空聞甌脫嘶胡馬。不見浮屠插鬣煙。亭障久安無檄到。盃觴頻舉有詩傳。長城萬里英雄事。應笑窮儒飽晝眠。

和周元吉右司過敝居追懷南鄭相從之作

梁益東西六十州。大行臺出北防秋。閱兵金鼓震河渭。縱獵狐兔平山邱。露布捷書天上去。軍諮祭酒幄中謀。豈知今日詩來處。日落風生蘆荻洲。

醉中浩歌罷戲書

此時解軍器少監之職又回山陰矣

造物小兒如我何。還家依舊一漁蓑。穿雲逸響蘇門嘯。卷地悲

風易水過老眼閱人真爛熟壯心得酒旋消磨旁觀虛作窮愁  
想點檢霜髯卻未多

故山

功名莫苦怨天慳一櫂歸來到死閑傍水無家無好竹卷簾是  
處是青山滿籃箭茁瑤簪白壓擔稜梅鶴頂殷野興盡時尤可  
樂小江煙雨趁潮還

湖鏡

禹祠行樂盛年年繡轂爭先罨畫船十里煙波明月夜萬人歌  
吹早驚天花如上苑常成市酒似新豐不直錢老子未須悲白  
髮黃公壚下且閑眠

湖鏡

老尉鴻飛隱市門千年猶有舊巢痕陸生於此寓棋局曾丈時



來開酒樽渺渺帆檣遙見海冥冥蒲葦不知村數僧也復投詩社零落今無一二存

山梅

落磻泉奔舞玉虹護丹松老臥蒼龍霜柑籬角寒初熟野碓雲邊夜自舂挈榼人沽村市酒打色僧趁寺樓鐘幽尋自是年來嬾枉道山靈不見容

雲門

### 宿野人家

避雨來投白板扉野人憐客不相違林喧鳥雀棲初定村近牛羊莫自歸土釜煖湯先濯足豆豉吹火旋烘衣老來世路渾諳盡露宿風餐未覺非

### 有感

溫洛滎河拱舊京。從來人物富豪英。報仇雖有楚三戶。守節得無齊二城。胡寇甯能斷地脈。王師行復暢天聲。鳳麟久伏應爭奮。勉爲明時頌太平。

舟過梅塢胡氏居愛其幽邃爲賦一詩

稽山翠入家家窗。此家清絕無與雙。丹葩綠樹錦繡谷。清波白石玻璃江。一堤茂草有眠犢。數掩短籬無吠龍。北軒商略可散髮。借與放翁傾酒缸。

自東涇度小嶺聞有地可卜菴喜而有賦

小嶺西南煙水間。頗聞有地百弓寬。誰其云者兩黃鵠。何以報之雙玉盤。竹塢未昏先晡暖。蓮汀當暑亦清寒。一菴何日從吾

好會約高人共倚闌

王給事餉玉友

散髮蕭然蒲輦林馬軍送酒慰孤斟  
江河不洗古今憾天地能知忠義心  
無侶有時邀落月放狂連夕到橫參  
玉船湛湛眞秋露卻憾鵝兒色尙深

晚興

白布裙襦退士裝短籬幽徑獨相羊  
莎根蟋蟀催秋候稗穗蜻蜒立晚涼  
屈子所悲人盡醉酈生常謂我非狂  
知心賴有青天在又炷中庭一炷香

遣懷

紹熙二年辛  
亥六十七歲

許國區區不自勝。秋風空羨下鵝鴈。青雲夜歎初心誤。白髮朝  
看一倍增。積憤有時歌易水。孤忠無路哭昭陵。頭顱自揣今如  
此。尙欲閑尋紫閣僧。

自注陳希夷奇錢宣  
靖復招紫閣僧相之

### 新秋感事

江上清秋昨夜回。漁扉正對荻洲開。志存天下食不足。節慕古  
人讒愈來。風際紙鷲那解久。祭餘刲狗會堪哀。蕭然散髮聽秋  
雨。剩領新涼入酒盃。

北渚秋風凋白蘋。流年冉冉默傷神。強顏未忍乞墦祭。積毀僅  
逃輸鬼薪。半榼浮蛆初試釀。兩螯斫雪又嘗新。受恩自度終無  
報。聊爲清時備隱淪。

秋思

南鄭歸來二十霜，背人歲月去堂堂。  
破裘不補知寒早，倦枕無憀厭夜長。  
年少若爲評宿士，狂生曾是說高皇。  
慨然此夕江湖夢，猶繞天山古戰場。

一生書劍徧天涯，兩歲秋風喜在家。  
爛醉日傾無算酒，高眠時聽屬私蛙。  
園林夕照明丹柿，籬落初寒蔓碧花。  
便擬掛冠君會否，耳根不復耐喧譁。

殘暑偏能著此翁，吹襟剩喜得西風。  
露滋小徑蘭苔冷，月射高梁燕戶空。  
衰病呻吟眞一洗，醉歌跌宕與誰同。  
從今日日增幽興，水際先丹數葉楓。

半年閉戶廢登臨。直自尋殘病至今。帳外昏燈伴孤夢。檐前寒雨。滴愁心。中原形勝關河在。列聖憂勤德澤深。遙想遺民垂泣處。大梁城闕又秋砧。

雁陣橫空送早寒。白頭病叟住江干。風林脫葉山容瘦。霜稻登場野色寬。萬里關河驚契闊。一尊鄰曲話悲歡。書生餓死尋常事。那得重彈掛壁冠。

藥畦蔬隴夕陽中。帶落冠欹一病翁。步蹇每妨行藥興。眼昏幾廢讀書功。露濃乍警雲巢鶴。風勁先凋玉井桐。欲賦悲秋卻休去。鬢絲已是滿青銅。

遣懷

秋風策策冷吹衣。謝病經年。晝掩扉。絕世本來希。獨立刺天不復計。羣飛細思萬古名。何用太息九原誰與歸。葬近要離非素意。富春灘畔有苔磯。

冬夜讀書

霜雪紛紛滿鬢毛。周年懷抱獨蕭騷。房櫳夜悄孤燈暗。原野風悲萬木號。病臥極知趨死近。老勤猶欲與書鏖。小兒可付巾箱業。未用逢人歎不遭。

冬夜讀書忽聞雞唱

齟齬常談笑老生。丈夫失意合躬耕。天涯懷友月千里。燈下讀書雞一鳴。事去大牀空獨臥。時來豎子或成名。春無何限英雄。

骨白髮蕭蕭未用驚

閉戶

簞瓢虛道不堪憂。閉戶方從造物遊。安樂本因無事得。功名常  
忌有心求。洗除仇怨忘蠻觸。收斂光芒靜斗牛。兒報牀頭春寶  
熟。人閒萬事轉悠悠。

落魄

落魄江湖七十翁。欲持一笑與誰同。蕭蕭雪鬢難藏老。寂寂蓬  
門可諱窮。好句尙來欹枕處。壯心時在倚樓中。無涯毀譽何勞  
詰。骨朽人閒論自公。

入城至郡圃及諸家園亭遊人甚盛



老子何曾慣市塵。今朝也復入城闌。太平有象人人醉。造物無私處處春。九陌驚花娛病眼。一竿風月屬閑身。不緣興盡回桡。早要就湖波照角巾。

蓬萊館午憩

驛門繫馬聽蟬吟。翻動平生萬里心。橋畔笛聲催日落。城邊草色帶煙深。關河歷歷功名晚。歲月悠悠老病侵。憶戍梁州如昨日。憑欄西望一霑襟。

夢遊散關渭水之間

平生望眼怯天涯。客裏何堪度歲華。但憾征輪無四角。不愁歸路有三叉。驛窗燈闇傳秋柝。關樹煙深宿暮鴉。叱犢老翁頭似雪。

雪諺渠生死不離家

病臥

病臥東齋怕攬衣年來真與世相違  
橫林蠹葉秋先覺別浦驕雲暝不歸  
歲月惟須付樽酒江山竟是屬漁磯  
鄰翁一夕成今古愈信人生七十稀

自注村東吳翁病一夕而卒

晚眺

秋晚閑愁抵酒濃試尋高處倚枯筇  
雲歸時帶雨數點木落又添山一峰  
鳴雁沙邊驚客舫行僧煙際認樓鐘  
箇中詩思來無盡十手傳抄畏不供

感舊

當年書劒揖三公。談舌如雲氣吐虹。十丈戰塵孤壯志。一簪華髮醉秋風。夢回松漠榆關外。身老桑村麥壆中。奇士久埋巴峽骨。燈前慷慨與誰同。  
自注獨孤景略死於忠州十年矣

睡覺聞兒子讀書

夢回聞汝讀書聲。如聽簫韶奏九成。且要沈酣向文史。未須辛苦慕功名。人人本性初何欠。字字微言要力行。老病自憐難預此。夜窗常負短燈檠。

步至近村

藥物扶持疾漸平。布裘絮帽出柴荆。荒隄經雨多牛跡。村舍無人碓聲數蝶弄香寒菊晚鴈回陣夕楓明。老翁隨意閑成。

句不似劉侯要取名

默坐

巧說安能敵拙修。焚香默坐一窗幽。  
煌煌炎火常下照。浩浩蕩蕩河方逆。  
流氣住神仙。端可學心虛。造物本同遊。  
絕知此事不相負。荆藿除梨栗秋。

道興

勛業如今莫繫懷。開單日日學僧齋。  
讒深只有天堪問。憂極渾無地可埋。  
看鏡已成雙白鬢。登山猶費幾青鞵。  
晚來詩興誰能那。雀噪空困葉擁階。

題老學菴壁

此生生計愈蕭然。架竹苫茆只數椽。萬卷古今消永日。一窗昏曉送流年。太平民樂無愁歎。衰老形枯少睡眠。喚得南村跛童子。煎茶埽地亦隨緣。

親舊書來多問近。況以詩禽之。

耐辱推顏百不能。居然老病住菴僧。流年速似一彈指。更事多於三折肱。庭樹影中聞夜汲。隣機聲裏對寒燈。沈詩任筆俱忘盡。酒戶新來卻少增。

二子

兩楹夢後少真儒。毀譽徒勞豈識渠。孟子無功如管仲。揚雄有賦似相如。敬王事業知誰繼。準易工夫故不疏。孤學背時空絕。

歎白頭窮巷抱遺書

感舊癸丑年六十九歲

憶從南鄭入成都。氣俗豪華海內無。  
故苑燕開車載酒。名姬舞罷斗量珠。  
浣花江路青螭舫。槎柳毬場白雪駒。  
回首壯遊真昨夢。一竿風月老南湖。

余年四十六入峽。忽復二十三年感懷賦長句。

當年弔古巴東峽。雪灑扁舟見早梅。  
宋玉宅邊新酒美。巫山廟下莫猿哀。  
樵柯爛盡棋方劇。客甌炊成夢未回。  
已把癡頑敵憂患。不勞團扇念寒灰。

自注劉夢得團扇歌曰當時初入君懷袖豈念寒爐有死灰

書歎

八家詩鈔 卷二十四  
少年志欲埽胡塵。至老甯知不少伸。覽鏡已悲身潦倒。橫戈空覺膽輪囷。生無鮑叔能知己。死有要離與卜鄰。西望不須揩病眼。長安冠劍幾番新。

醉題

勿笑山翁病滿軀。胸中俠氣未全無。雙瞳遇醉猶如電。五木隨呼盡作盧。代北胡兒富羊馬。江南奇士出菰蘆。何由親奉平戎詔。蹴踏關中建帝都。

書憤

山河自古有乖分。京洛腥羶實未聞。劇盜曾從宗父命。遺民猶望岳家軍。上天悔禍終平虜。公道何人肯散羣。白首自知疏報

國尙憑精意祝爐熏自注宗澤守東都巨盜來歸百萬號宗爺岳家軍蓋紹興初語

秋興

秋風又滿鰲城有客飄然萬事輕久向林閒得佳趣不知身  
外有浮名蒲萄雨足初全紫烏柏霜前已半赭欲把一盃終覺  
嬾老來懷抱爲誰傾

夢至洛中觀牡丹繁麗溢目覺而有賦

兩京初駕小羊車顛顚江湖歲月賒老去已忘天下事夢中猶  
看洛陽花妖魂豔骨千年在朱彈金鞭一笑譁寄語瓊裘莫癡  
絕祈連還汝舊風沙

自嘲



歲月推遷萬事非。放翁可笑白頭癡。此生竟出古人下。有志尙如年少時。僻學固應知者少。長歌莫問和予誰。自嘲自解君毋怪。老大從人百不宜。

老懷

身見高皇再造初。名場流輩略無餘。舊書科斗纔存字。薄業蝸牛僅有廬。迂士豈堪新貴使。少年自與老人疏。荒園寂寂堆霜葉。抱甕何妨日灌蔬。

初寒病中有感

楚水楓林霜露新。白頭一叟正吟呻。牛衣未起王章疾。馬磨何傷許靖貧。治道本來存簡冊。神州誰與靜煙塵。新亭對泣猶稀。

見況覓夷吾一輩人

寄天封明老

浪迹天台一夢中。距今四十五秋風。勝遊回首似昨日。衰病侵人成老翁。聖寺參差石橋外。仙蓬縹緲玉霄東。因君又動青鞵興。目斷千峯翠倚空。

溪上作

落日溪邊杖白頭。被裘不補冷飈飈。慙慙酷信紙上語。老病猶先天下憂。末俗陵遲稀獨立。斯文崩壞欲橫流。紹興人物嗟誰在。空記當年接俊遊。

偃僂溪頭白髮翁。暮年心事一枝筇。山銜落日青橫野。鴉起平

沙黑蔽空天下可憂非一事書生無地効孤忠東山七月猶關  
念未忍沈浮酒醖中

詠史

夜雨燈前感慨深爲邦一士重千金風雲未展康時略天地能  
知許國心劒忽挂頤都將相帽曾摩耳隱山林英雄自古常如  
此君看隆中梁甫吟

春夜讀書

枉是儒冠遇太平窮人那許共功名枯腸不飽三升稷皓首猶  
親二尺檠寓世已爲當去客愛書更付未來生夜闌撫几愁無  
奈起視離離斗柄傾

春晚村居

一事元無可得忙。悠然半醉倚胡牀。  
牡丹枝上青春老。燕子聲中白日長。  
身世已如風六鷁。文章仍似閭黃楊。  
太平有象無人識。南陌東阡擣麝香。

書歎

高廟衣冠月出遊。中原父老淚交流。  
諸公誰効回天力。散吏空懷恤緯憂。  
雨細菴晨舉網。月明隴夜驅牛。  
神州克復知何日。北望飛蓬萬里秋。

題陽關圖

誰畫陽關贈別詩。斷腸如在渭橋時。  
荒城孤驛夢千里。遠水斜

八家詩集 卷二十四  
陽天四垂青史功名常蹭蹬白頭襟抱足乖離山河未復胡塵  
暗一寸孤愁祇自知

閒中

閒中高趣傲羲皇身臥維摩示病床活眼硯凹宜墨色長毫甌  
小聚茶齋門無客至惟風月案有書存但老莊問我東歸今幾  
日坐看庭樹六番黃

晨起

晨起梳頭拂面絲行年七十豈前期此身猶著幾兩屐長日惟  
消一局碁空釜生魚忍貧憤聞門羅雀與秋宜區區名義真當  
勉正是先師戒得時

自詠

紹熙五年甲寅七十歲

常記當年入洛初，華燈百萬擲猶平。生意薄刀筆，吏投老身  
爲山澤，懼已罷向空書咄咄，尙能擊缶和嗚嗚。今朝客至無尋  
處，正伴園丁斲芋區。

書室明煖終日婆娑，其閒倦則扶杖至小園戲作長句

放翁老手竟超然，俗子何由與作緣。百榼舊曾誇席地，一窗今

復幻壺天。夢回橙在屏風曲，雨霽梅迎拄杖前。吾愛吾廬得安

臥，笑人思嬾憶平泉。

自注李衛公憶平泉山居歐陽公思嬾詩皆數十篇

美睡宜人勝按摩，江南十月氣猶和。重簾不捲畱香久，古硯微

凹聚墨多。月上忽看梅影出，風高時送雁聲過。一杯太淡君休

笑牛背吾方扣角歌

冬夜獨酌

寒水茫茫浸月明。疏鐘杳杳帶霜清。一樽濁酒有妙理。十里荒雞非惡聲。物外雖增新跌宕。胸中未洗舊崢嶸。頽然坐睡蒲團穩。殘火昏燈伴五更。

郊行夜歸書觸目

老翁病起厭端居。隨意東西不問途。霜野草枯鴈欲下。江天雲溼雁相呼。空垣破甕逃租屋。青帽紅燈賣酒爐。未畏還家踏泥潦。園丁持炬小兒扶。

十一月五日夜半偶作

草徑江村人迹絕。白頭病臥一書生。窗間月出見梅影。枕上酒醒聞雁聲。寂寞已甘千古笑。馳驅猶望兩河平。後生誰記當年事。淚灑龍牀請北征。

閒中書事

病過新年逐日添。清愁殘醉兩厭厭。惜花葵去常遮日。待燕歸來始下簾。堂上清風生玉塵。淵中寒溜注銅蟾。一生畱滯君休歎。意望天公本自廉。

一畝山園半畝池。流年忽逮挂冠期。賣花醉叟剝紅桂。種藥高僧寄玉芝。午枕爲兒哦舊句。晚窗畱客算殘棋。登庸策免多新報。老子癡頑總不知。



感音

三著朝冠入上都黃封頻醉渴相如馬慵立仗甯辭斥蘭偶當  
門敢怨鋤富貴尙思還此笏衰殘故合愛吾廬燈前目力依然  
在且盡山房萬卷書  
五丈原頭秋色新當時許國欲忘身長安之西過萬里北斗以  
南惟一人往事已如遼海鶴餘年空羨葛天民腰閒白羽凋零  
盡卻照清溪整角巾

登東山

漆園傲吏養生主栗里高人歸去來俱作放翁新受用不妨平  
地脫塵埃松崖壁立臨樵塢竹徑蛇蟠上歛臺送盡夕陽山更

好與君踏月浩歌回

記九月三十日夜半夢

一夢邯鄲亦壯哉沙隄金轡絡龍媒兩行畫戟森朱戶十丈平  
橋夾綠柳東閣羣英鳴珮集北庭大戰捷旗來太平事業方施  
設誰遣晨雞苦喚回

蜀僧宗傑來乞詩三日不去作長句送之

看徧東南數十州寄船卻泝蜀江秋孤雲兩角山亡恙斗米三  
錢路不憂萬里得詩長揖去他年挈笠再來不放翁爛醉尋常  
事莫笑黃花插滿頭

老學菴

自注子取師曠老而學  
如秉燭夜行之語名庵

七律

陸游上

卷一

窮冬短景苦匆忙。老學菴中曰自長。名譽不如心自厚。文辭終  
與道相妨。吾心本自同天地。俗學何知溺粃糠。已與兒曹相約  
定。勿爲無益費年光。

枕上偶成

放臣不復望修門。身寄江頭黃葉村。酒渴喜聞疏雨滴。夢回愁  
對一燈昏。河潼形勝甯終棄。周漢規模要細論。自慙不如雲際  
雁。南來猶得過中原。

雨夜有懷張季長少卿

放翁雖老未忘情。獨臥山村每自驚。鼎鼎百年如電速。寥寥一  
笑抵河清。梅初破。藟行江路燈欲成。花聽雨聲正用此時思劇。

飲故交。零落愴餘生。

憶昔

憶昔輕裝萬里行。水郵山驛不論程。屢經漢帝燒餘棧。曾宿唐家雪外城。壯志可憐成昨夢。殘年惟有事春耕。西窗忽聽空階雨。獨對青燈意未平。

春思

七十老翁身退耕。可憐未減舊風情。典衣取酒那論價。秉燭看花每到明。江浦時時逢畫楫。寺樓處處聽新鶯。此生無復陽關夢。不怕樽前唱渭城。

六月二十四日夜分夢范致能李知幾尤延之同集江亭

諸公請予賦詩記江湖之樂詩成而覺忘數字而已  
露簪霜筠織短蓬飄然來往淡煙中偶經菱市尋谿友卻揀蘋  
汀下釣筒白菡萏香初過雨紅蜻蜓弱不禁風吳中近事君知  
否團扇家家畫放翁

七月二十四日作

閑拂青銅一惘然此生應老海雲邊涼颺入袂詩初就幽鳥呼  
人夢不全天上鵲歸星渚冷月中桂長露華鮮射胡羽箭凋零  
盡坐負心期四十年

秋夜示兒輩

吳下當時薄阿蒙豈知垂老歎途窮秋碁巷陌昏昏月夜燭籬

櫳。戛。戛。風。縮。項。鰓。魚。收。晚。釣。長。腰。粳。米。出。新。簾。兒。曹。幸。可。關。鑿。  
語。憂。思。如。山。一。笑。空。

自嘲

身。見。紹。興。初。改。元。百。懼。敢。料。至。今。存。生。涯。破。碎。餘。龍。貝。學。問。荒。  
唐。守。兔。園。獨。立。未。除。還。笏。氣。餘。生。猶。待。闔。棺。論。北。窗。燈。暗。霜。風。  
惡。且。置。孤。愁。近。酒。樽。

夜坐

杳。杳。霜。鐘。十。里。聲。娟。娟。江。月。半。窗。明。陳。編。欲。絕。猶。堪。讀。微。火。相。  
依。更。有。情。九。曲。煙。雲。新。散。吏。自注時方被命再領武百年鉛槧老諸生。  
頽。然。待。旦。君。無。笑。尙。勝。聞。雞。賦。早。行。

初拜再領祠宮之命有感

黃紙初開喜可知。追懷平昔卻成悲。  
生當京國承平日。仕及皇家再造時。  
小草出山初已誤。斷雲含雨欲何施。  
兒孫賀罷仍無事。卻赴幽人把釣期。

書憤慶元三年丁巳七十三歲

白髮蕭蕭臥澤中。祇憑天地鑒孤忠。  
阨窮蘇武餐羶久。憂憤張巡嚼齒空。  
細雨春蕪上林苑。頽垣夜月洛陽宮。  
壯心未與年俱老。死去猶能作鬼雄。

鏡裏流年兩鬢殘。寸心自許尚如丹。  
衰遲罷試戎衣窄。悲憤猶爭寶劒寒。  
遠戍十年臨的博。壯圖萬里戰皋蘭。  
關河自古無窮。

事誰料如今袖手看

病中夜賦

客如病鶴臥還起燈似孤螢闔復開  
菡萏催春事去梧桐葉送雨聲來  
滎河溫洛幾時復志士仁人空自哀  
但使胡塵一朝靜此身不憾死蒿萊

書感

奪璧元知價不饒屠龍誰信本無求  
哦詩聲裏歲時速憂國淚邊天地秋  
已欠謝安俱泛海况無王粲與登樓  
此身著處憑君記萬里煙波沒白鷗

雪夜感舊



十八家詩鈔卷二十四  
江月亭前樺燭香。龍門閣上默聲長。亂山古驛經三折。小市孤城宿兩當。晚歲猶思事鞍馬。當時那信老耕桑。綠沈金鎖俱塵委。雪灑寒燈淚數行。

憶昔

憶昔從戎出渭濱。壺漿馬首泣遺民。夜棲高冢占星象。晝上巢車望虜塵。共道功名方迫逐。豈知老病祇逡巡。燈前撫卷空流涕。何限人間失意人。

十八家詩鈔卷二十四

善化黃維申襄校